


PL
2732
V237A17
1775
v.15



吳詩集覽卷十九上

黎城靳榮藩介人輯



詩餘一之上

小令

中調

王貽上曰婁東祭酒長短句能驅使南北史為

體中獨創流麗穩貼不徒直逼幼安

丁飛濤

曰有以梅村比吳彥高曰吳郎近以樂府高天

下余讀其十八年來如夢萬事淒涼一語又元

之許祭酒也詞維步武稼軒故無一字放逸得

力句唾壺欲碎頰仰固是獨絕

聶晉人曰有

欲合刻梅村香嚴棠村為三大家詞者以梅村

駘蕩香嚴警挺棠村有柳欹花驪之致或謂河

北河南代為雄視未若三公之旨之一也意氣

迺上感慨蒼涼

當以梅村為冠

詞乃詩之餘也故不別立吳詞集覽之目卷數

亦仍其舊

按錢塘毛氏云五十八字以內為

小令五十九字至九十字爲中調九十一字以外爲長調萬紅友詞律極言分小令中調長調之非又引詞綜謂草堂以臆見分之後遂相沿其辨甚覈然紅友亦不能不以字之多少爲先後則與草堂之例無甚異也茲仍從原本書之詞綜發凡謂花間體製調卽是題如女冠子則咏女道士河瀆神則爲送迎神曲虞美人則咏虞姬是也宋人詞集大約無題自花菴草堂增入閨思閨情四時景等題深爲可憎按東坡集詞之以暮春春情名題者頗多而蝶戀花之花褪殘紅青杏小何嘗不題曰春景賀新郎之乳燕飛華屋何嘗不題曰夏景江神子之相逢不覺又初寒何嘗不題曰冬景乎况竹垞之江湖載酒集茶烟閣體物集有題者較多是嚴于論花庵草堂而于已集中又未嘗堅守其說也梅村集中有不書題者有書題者悉仍其舊梅村爲近代詩人冠冕而尤展成謂其遺命葬以緇衣題以圓石文曰詞人吳梅村之墓豈不

以病中賀新郎一闕爲平生心血所寄而發其
詩之所未發與頌其詩讀其詞不知其人可乎
是以論其世也吾重爲梅村惜也 明史文苑
傳張昱字光弼廬陵人仕元爲江浙行省左右
司員外郎行樞密院判官留居西湖壽安坊酒
間爲瞿佑誦所作詩曰我死埋骨湖上題曰詩
人張員外墓足矣梅村遺令與昱相類然昱于
明初被徵上憫其老曰可閒矣厚賜遣還因自
號可閒老人故昱得以員外書而梅村不以職
銜書則較昱尤可悲也白傳自撰墓誌曰無請
太常諡無建神道碑但于墓前立一石刻醉吟
先生傳一本嗟乎白傳之曠達張員外之高逸
譚五經之峻潔亦各有嘉遇也哉

望江南

詞律望江南
一名江南好

江南好。聚石更穿池。水檻玲瓏簾幕隱。杉齋精麗繚垣。

低木榻紙窗西

此咏池館之好○蘇詞江南好千鐘美酒一曲滿庭芳梁書徐勉傳聚石移

果又正欲穿池種樹

杜詩新添水檻供垂釣玲瓏見

琵琶行簾幕見哭志衍

杉齋見送何省齋世說支道

林叙致精麗西京賦繚垣繇聯四百餘里

三國志管寧傳注常坐一木榻紙窗見題畫

又

江南好翠翰木蘭舟窄袖衩衣持楫女短簫急鼓采菱

謳逆槳打潮頭

此咏舟人之好○魏文帝大牆上蒿行飾以翠翰既美且輕木蘭舟見贈袁韞

玉窄袖見駕湖曲王仲初宮詞每到日中重掠鬟

衣騎馬遶宮廊大業拾遺記每舟擇妙麗長白女子千

人執雕板鏤金楫獨吳絳仙得賜螺黛因吟持楫篇賜

之唐書南蠻傳龜茲部有長短簫橫笛方響大銅鈸

貝皆四楊誠齋詩急鼓繁鉦動地呼采菱見行路難陽

阿注武林舊事浙江之潮天下偉觀也吳兒善泅者

數百皆披髮文身手持十幅大綵旗爭先鼓勇沂迎而
上出沒於鯨波萬仞中騰身百變而旗尾畧不沾濕以
此誇能按江南打潮事應類之
劉夢得詩風駕潮頭入渚田

又

江南好博古舊家風宣廟乳爐三代上元人手卷四家

中廠盒鬬雞鍾

此咏骨董之好○宣和博古圖三十卷
宋徽宗著家風見送杜嶽武昭代叢

書冒辟疆宣爐歌汪宣廟時傳內佛殿火金銀銅像渾
而成液又云寶藏焚金銀珠寶與銅俱結命鑄爐又曰
宣爐以百摺彝乳足花邊魚鰕蛭蚰諸耳為最不規規
三代鼎鬲多取宋瓷爐式倣之按宣廟指明宣宗見蟋
蟀盆歌
倪瓚王蒙有畫苑四大家之目
廠盒見蟋蟀盆歌闕
雞見
宮扇

又

江南好。蘭蕙伏盆芽。茉莉縷藏新茗椀。木瓜香透小窗

紗。換水膽瓶花。

此咏盆玩之好。○茉莉見茉莉茗椀見觀王石谷畫。

爾雅楸木瓜注寔如酢

可食。

白詩絮撲窗紗燕拂簷。

陳君舉詩掇花寘膽瓶。

又

江南好。五色錦鱗肥。反舌巧偷紅嘴慧。畫眉羞傍白頭

栖。翡翠逐金衣。

此咏魚鳥之好。○錦鱗見送汪均萬禮仲夏之月反舌無聲注反舌百舌鳥。

元詩言語巧偷鸚鵡舌杜鸚鵡詩紅嘴漫多知。

楊聖

俞詩山鳥本無名兩眉如畫粉安慶府志畫眉似鸚鵡

而色微黃目上有白眉如畫故名江表傳有白頭鳥集

殿前權曰此何鳥也恪曰白頭翁也。

翡翠見行路難

天寶遺事唐明皇于禁苑中見黃鶯呼爲金衣公子

又

江南好。蒲博擅縱橫。紅鶴八番金葉子。元盧五木玉楸。

枰擲采坐人傾。

此咏蒲博之好。○蒲博見遇劉雪舫沈休文棲禪精舍銘八番海鶴九噪巖

蟬品外錄葉子如今之紙牌酒令鄭氏書目有南唐李後主如周氏編金葉子格此戲今少傳唐國史補擲之全黑者爲盧程大昌携蒲經古惟斲木爲子一具凡五子故名五木玉楸枰見哭志衍國史補擲采之戲有二其法生于握槩變于雙陸杜詩一見能傾坐張如哉曰擲采句暗用袁彥道事

又

江南好。茶館客分棚。走馬布簾開瓦肆。博羊餉鼓賣山。

亭傀儡美參軍

此咏市肆之好○分棚見贈湖州守

陳書袁憲傳徙席山亭談宴終日

傀儡見琵琶行參軍見鴛湖曲

又

江南好皓月石場歌一曲輕圓同伴少十反麤細聽人

多絃索應雲鑼

此咏絃管之好○詩月出皓兮按石場即千人石廣場也見虎邱夜集圖蘇

詩輕圓白曉荔同伴見彈琴歌

十反見彈琴歌玉篇

麤不精也大也

絃索見琵琶行元史禮樂志雲璈制

以銅爲小鑼十三同一木架下有長柄左手持而右手以小槌擊之

又

江南好黃爵紫車螯雞臙下鼓澆苦酒魚羹加芼擣丹

椒小吃砌宣窰

此咏市脯之好○戰國策夫黃雀其小者也○孟子雀作爵車螯見蛤蜊

陸務

觀詩黃雞煮臠無停筋下鼓見贈馮訥生鼓去聲借讀平聲晉書張華傳試以苦酒濯之齊民要術食經有作大豆千歲苦酒法作小豆千歲苦酒法

魚羹見畫蘭

曲朱子詩傳芼熟而薦之也

蜀都賦或豐綠萸或蕃丹

椒

按宋玉叔有百鎰始購

宣窰杯之句蓋指明宣德時

又

江南好櫻笋薦春羞梅豆漸黃探鶴頂芡盤初軟剝鷄

頭橘柚洞庭秋

此咏蔬果之好○櫻筍見贈陳定生禮記俎豆牲醴薦羞皆有等差

王龜齡

詩盤食飢梅豆

羣芳譜鶴頂梅寔大而紅

周禮天官

籩人菱芡臬注芡雞頭也

橘柚見高涼司馬行韋應

物詩憐君臥病思新橘試摘猶酸亦未

黃書後欲題三百顆洞庭須待滿林霜

又

江南好。機杼奪天工。孔翠裝花雲錦爛。冰蠶吐鳳霧綃

空。新樣小團龍。

此咏機絲之好。○古詩札札弄機杼。晝

登善窮掇孔翠之毛。明史輿服志嘉靖六年復禁中外
官不許濫服五彩裝花織造違禁顏色沈休文詩雲錦
不須織。尚書大傳卿雲爛兮。拾遺記員嶠山有冰蠶
長七尺。黑色有鱗角。以霜雪覆之。然後爲繭。其色五采
織爲文錦。入水不濡。投火不燎。李義山詩門多吐鳳才。
洛神賦曳霧綃之輕裾。新樣見永和宮詞。明史輿服
志。皇后常服襖襖子。深青金繡團龍文。

又

江南好。獅子法王宮。白足禪僧爭坐位。黑衣宰相話遭

逢拂子塞虛空。

此咏禪林之好。楞嚴經富樓那云世尊知我有大辨才以音聲輪教我發揚

我于佛前助佛轉輪因獅子吼成阿羅漢法王見讚佛詩注

白足見訪文學博顏清臣有爭坐位帖

黑衣

宰相見讚佛詩注遭逢見宮

又

江南好。開掃鬪新粧。鴉色三盤安鈿翠。雲鬟一尺壓蛾

黃。花讓牡丹王。

此咏梳掠之好。開掃見無題其四注新粧見鴛湖閨咏。鴉色見偶見三盤

見題董白像。梅聖俞詩鞦韆競打遺鈿翠。段柯古詩

出意挑鬟一尺長。李義山詩八字宮眉捧額黃。牡丹

又

江南好。艷飾結羅仙。百襴細裙金線柳。半裝高屨玉臺

蓮。故故立風前。此咏閨裝之好。結羅見七夕卽事。類篇襴裙幅相襴也。顧曼詞瑟瑟羅裙。

金線縷溫飛卿詩。卓氏壚前金線柳。梁簡文帝詩。羅

裙宜細。細襴畫屨重高墻。梁武帝歌。心如玉池蓮。玉臺見

西泠閨咏序。按此蓋合用元詩金

蹙重臺履。杜詩故故滿青天。

又

江南好。繡帥出鍼神。霧髻湘君波窈窕。雲幢大士月空

明。刻畫類天成。此咏刺繡之好。論衡刺繡之帥能縫。帷裳納縷之工不能織。錦鍼神見七夕

卽事。蘇詩霧髻風鬟木葉衣。湘君見呈李太虛。王

會之詩。雲幢烟節紫霧居。柳子厚聖安寺碑。菩薩大士

其衆無涯。赤壁賦擊空明兮。泝流光。刻畫見

鐵獅歌。南史文學傳論放言落紙氣韻天成。

又

江南好。巧技棘爲猴。髹漆湘筠香墊几。戲金螺鈿酒承

舟。銀鏤匠心搜。

此咏器玩之好。韓非子衛人有能以棘刺之端爲母猴者。必三月齋然後能

觀之。

髹漆見讚佛詩。李賓之詩。湘筠憶舊斑。

戲金

見蟋蟀盆歌。正韻。陷蚌曰螺鈿。

六書故。細鏤金銀爲

文曰銀鏤。匠心見

讀史偶述其十三

又

江南好。狎客阿儂喬。趙鬼擲揄工調笑。郭尖儂巧善詼

嘲。幡綽小兒曹。

此咏狎客之好。○狎客見觀石谷畫。伽藍記。吳人自呼阿儂。南史。齊東昏記。

左右趙鬼能讀西京賦云。柏梁旣災。建章是營。于是大起諸殿。又茹法珍傳。初左右刀勅之徒。悉號爲鬼宮中。

訛云趙鬼食鴨劇諸鬼盡著調後漢書王霸傳市人皆大笑舉手邪揄之邪亦作椰晉陽秋羅友以家貧乞錄曰民首旦出門于中途逢一鬼大見椰揄詞名有調笑令魏書郭祚附傳景尚字思和善事權寵世號曰郭尖僂巧見王郎曲跋詼嘲見楚兩生行幡綽見哭志衍小兒曹見松鼠

又

江南好舊曲話湘蘭薛素彈丸豪士戲王微書卷道人

看一樹柳摧殘

此咏聲伎之好○北里志平康里北門東回三曲即諸妓所居之聚也明詩

綜馬守真字湘蘭

一字元兒又字月嬌金陵妓又薛

素素小字潤孃嘉興妓按素素能畫蘭竹作小詩善彈

走馬以女俠自命置彈於小婢額上彈去而婢不知江

湖俠少年皆慕稱薛五矣豪士見機山明詩綜王微

字修微揚州妓飯心禪悅自號草衣道人期山草樾

館詩集隋書柳機傳機在周與族人昂俱歷顯要及

此並爲外職楊素方用事戲機曰二柳俱摧孤楊獨聳摧殘見短歌張如哉曰末句指柳如是卽縱使君來豈堪折之意兼以調笑東澗也

有明興亡俱在江南固聲名文物之地財賦政事之區也梅村追言其好宜舉遠者大者而十八首中止及嬉戲之具市肆之盛聲色之娛皆所謂足供兒女之戲者何歟蓋南渡之時上下嬉游陳臥子謂其清歌漏舟之中痛飲焚屋之內梅村親見其事故直筆書之以代長言咏歎十八首皆詩史也可當東京夢華錄一部可抵板橋雜記三卷或認作烟花賬簿恐沒作者苦心矣

如夢令

鎮日鶯愁燕懶。徧地落紅誰管。睡起熱沉香。小飲碧螺

春盃。簾捲簾捲。一任柳絲風軟。

此咏春閨。○鎮日見獨往王庵看梅薛洪度詩

吳詩集覽 卷十九

曉蟬鳴咽暮鶯愁馬浩瀾詞雙飛燕懶百轉鶯嬌張
子野詞明日落紅應滿徑辛幼安詞斷腸點點飛紅都
無人管秦少游詞睡起不勝情況香見讚佛詩季
詩高陽小飲直瑣瑣王弼花游曲清音震落碧瑤椀百
詩籌插紅螺椀劉仲晦詩六宮
簾捲東風軟柳絲見雜陽行

又

誤信鵲聲枝上幾度樓頭西望薄倖不歸來愁殺石城

風浪無恙無恙牢記別時模樣此詞若成于仕南都告
歸時則佳矣○陸賈新

語乾鵲噪而行人至秦少游詞薄倖不來春老舌

詩蕭蕭愁殺人石城見西冷閨咏序霍顥詩下渚多風

浪無恙見

喜穆苑先歸

又

小閣焚香閒坐。撼撼紙窓風破。女伴有誰來。管領春愁。

一箇無那無那。斜壓翠衾還臥。此當與前首合看。○小

焚香閉閣眠。盧諶詩。撼撼芳葉落。正字通。撼故借用。

瑟字瑟瑟。卽撼撼也。字典引白詩。楓葉荻花秋撼撼。紙

窗見送王元照。女伴見彈琴歌。高季迪詩。夜深宮禁

有誰來。杜牧之詩。管領春風總不如。梁元帝詩。春愁

春自結。李後主詞。繡床斜凭嬌無那。鄭奎

妻詩。風釵斜壓瑞香枝。柳耆卿詞。猶壓香衾臥。

又

烟鎖畫橋人病。燕子玉關歸信。報道負情儂。屈指還家。

春盡休聽休聽。又是海棠開近。梅村郊城曉發云。屈指

聞人憶遠者。蘇詩。烟瑱竹枝寒。陰子堅詩。畫橋長且

曲。玉關見行路難。西溪叢語。韓中令行次鳳洲爲絕

句云欲托雙魚附歸信季涉詩報道花時也不開南史王敬則傳子仲雄作懊儂曲日常嘆負情儂季詩春盡秋轉碧孫夫人詞海棠開後望到如今

生查子

青鎖隔紅牆。撇下韓嫣彈。花底玉驄嘶。立在垂楊岸。

纖指弄東風。飛去銀箏雁。寄語畫樓人。留得春光半。

閨情

○賈幼鄰詩千條弱柳垂青瑣。隔紅牆見琴河感舊

漢書佞幸傳韓嫣字王孫弓高侯顏當之孫也西京雜

記韓嫣好彈以金爲丸玉驄見彈琴歌李義山詩

斑驄只繫垂楊岸琴賦飛纖指以馳驚梁簡文帝箏

賦玩飛花之度窗看春風之入柳命麗人于玉席陳寶

器于紈羅銀箏見畫蘭曲張子野咏箏詞雁柱十三

絃鮑詩寄語後生子畫樓見朱

氏畫樓崔澄瀾詩二月風光半

又

香爖合歡襦。花落雙文枕。嬌鳥出房櫳。人在梧桐井。

小院賭紅牙。輸却蒲桃錦。學寫貝多經。自屑泥金粉。情閨

○合歡見子夜歌

嬌鳥見圓圓曲張茂先詩房櫳自

來風

秦少游詞行到碧梧金井

紅牙見西泠閨咏

蒲桃見讚佛詩

貝多見送張玉甲

丙則屑薑與

桂字典

屑碎末也王介甫詞泥金小小回文句金粉見

送沈

釋堂

又旅思

一尺過江山。萬點長淮樹。石上水潺潺。流入清溪去。

六月北風寒。落葉無朝暮。度樾與穿雲。林黑行人顧。玩此

詞語意似應

召過淮時作○蘇詞咫尺江山分楚

越過江見贈蒼雪

杜詩萬點蜀山尖蘇詞波聲拍枕

長淮曉

潺潺見哭剖石

一統志清水墩堤在淮安

府清河縣界東

皮襲美詩盡日穿林樾玉篇楚人謂

兩木交蔭之下曰樾穿雲見

哭蒼雪

杜詩林黑鳥應棲

點絳唇

蕉團

蕉團見觀華嚴會

細骨珊珊指尖拂處嬌絃語著水撩人點點飛來雨

撲罷流螢帳底輕風舉眠無主誤粘玉體印得紅絲縷

○細骨見蟬猴南楚新聞李泌辟穀身輕能行屏風上

每導引骨節珊珊然有聲宋玉神女賦拂墀聲之珊珊

張承吉詩彷彿還應露指尖陸魯望詩玉指弄嬌絃

楊誠齋詩蜜梅花發更撩人

蘇詞點點樓前細雨

杜牧之詩輕羅小扇撲流螢

毛文錫詞羅袂從風輕

舉

漢書王吉傳數以耍脆之玉體

王仲初織錦曲

紅縷葳蕤紫茸軟周美成詞枕痕一線紅生玉

浣溪沙

斷頰微紅眼半醒。背人驀地下階行。摘花高處賭身輕。

細撥薰爐香繚繞。嫩塗吟紙墨欹傾。慣猜閒事爲聰

明。

閨詞○會真記雙臉斷紅而已黃昇詞沉水香銷夢

半醒。

說文驀超越也俞克成詞又怎禁驀地上心

李正已詩即便下階拜

韋應物詩摘花愛芳在身輕

見墮樓

梁簡文帝詩熏爐滅復香蘇詩繚繞香烟來

月下

杜詩墨淡字欹傾

盧允言詩

愛捉狂夫問閑事杜詩冰雪淨聰明

又

一斛明珠孔雀羅。湘裙窄地錦文韉。

集作窄地非

紅兒進酒

雪兒歌

石黛有情新月皎。玉簪無力暖雲拖。見人先

唱定風波。

此伎席作。一斛明珠見圓圓。曲孔雀見讚。佛詩補注。李文山詩。裙拖六幅湘江水。尹

鶚詩。

鸞鳳衣裳香宰地。李詩。青黛畫眉紅錦鞵。紅兒

見偶成雪兒見贈。寇白門。

徐孝穆玉臺新詠序。南都

石黛最發雙蛾。駱賓王詩。眉頭畫月新。

西京雜記。武

帝過李夫人。就取玉簪搔頭。自此宮人搔頭皆用玉。

價倍貴焉。

楊勉仁詩。春光淡蕩暖雲生。東皐雜錄。王

定國自嶺南歸。出歌者柔奴勸酒。東坡問以嶺南風俗。

應是不好柔奴曰。此心安處便為鄉。東坡亦作定風波。

詞。其卒章云。試問嶺南應不好。為道此心安處便為鄉。

菩薩蠻

江天漠漠寒雲白。長橋客醉閒吹笛。沙嘴荻花秋。垂蘿

拂釣舟。

危峯欹半倚。仄徑蒼苔屐。欲上最高亭。遠山

無數橫

此望遠懷人之作○杜詩江天漠漠鳥雙去寒雲見贈劉雪舫李有中詩魚行細浪分沙嘴

鄭德璘詩

洞庭風軟荻花秋

洛陽伽藍記懸葛垂蘿

庾子慎詩

絕澗倒危峯

摩詰與裴秀才書步仄徑

臨清流也蒼苔見讚佛詩

杜牧之詩莫上最

高層

又月曉遠山橫辛幼安詞可憐無數山

張如哉曰屐應

作履與倚叶

減字木蘭花 題畫

藤谿竹路鳥道無人雲獨過鹿柵猿栖布襪青鞋客杖

藜江頭尺鯉展罷生綃天欲雨記得曾遊古木包山

五月秋

前段咏畫後段寫意○王介甫詩曉步藤溪霜落後劉文房詩衆溪連竹路鳥道見閬州行

岑參詩

日沒鳥飛急山高雲過遲王有鹿柵詩

青鞵布襪

見六直歌拄杖藜見訪吳永調淮南子牛

蹄之浴必無尺鯉

生綃見六真歌

古木包山見贈古如

杜詩陂塘五月秋

張如哉曰詞韻路字在大甫父過字在哥果箇路過

通叶如詩中卞玉京彈琴蟋蟀盆送志衍入蜀遣悶

第六首之以七虞二十哿通叶也古韻

又鯉通叶雨是以奇起氣叶魚雨御也

醜奴兒令

落紅已拂雕闌近。入手枝低。莫肯高飛。費盡東風着力

吹。分明燕子啣來到。因甚差池。墜在污泥。惹動游絲

不自知。

此咏落花。落紅見如夢令。雕闌見圓圓曲。

王

晉卿詞經年費盡東君力。詞名有東風齊着力。

林子

羽詩天涯春色燕啣來。

詩差池其羽。

淮南子琰琬

之玉在污泥之中。梁書范縝傳如一樹花隨風而墮。自有拂簾幌墜于茵席之上。自有關籬牆墜于溷糞之側。

〔梁武帝詩〕
曖曖矚游絲

又

溪橋雨過看新漲。高柳鳴蟬。荷葉田田。指點兒童放鴨船。前村濁酒沽來醉。今夜涼天。明月初圓。一枕西窓

自在眠。

此咏秋景。○〔韓君平詩〕溪橋折筍游。〔范致能詩〕今朝一雨添新漲。〔陸士衡詩〕寒蟬鳴高柳。

〔江南古詞〕蓮葉何田田。指點見龍腹。竹歌〔陸務觀詩〕借得南隣放鴨船。前村見避亂濁酒見贈嵇叔子。

〔韋應物詩〕散步咏涼天。〔蘇詩〕一枕黑甜餘。西窓見次姜如須韻。〔杜詩〕自在嬌鶯恰恰啼。

又

低頭一霎風光變。多大心腸。沒處參詳。做箇生疎故試

郎何須抵死催儂去。後約何妨。却費商量。難得今宵

是乍涼。

秋閨清拔在纏綿之中是詞家生面○低頭見子夜歌孟東野詩昨夜一霎雨詞名有風光

好

五代會要王朴上疏曰中書舍人竇儼參詳太常

樂事

劉克莊詩磬折轉生疎孫巨源詞何須抵死

催人去

後約見圓圓曲史邦卿

詞又軟語商量不定乍涼見蒲東

清平樂 題雪景

江山一派換出瓊瑤界。凍合灘舟。因訪戴。沽酒南村誰

賣。草堂風雪雙扉。畫圖此景依稀。再補吾廬佳處。露

橋一笠僧歸。

前段雪景後段是題字○王介甫詞一派秋聲入寥廓詩報之以瓊瑤蘇雪詩

凍合玉樓寒

起粟杜詩焦爨倚灘舟李義山憶雪詩虛

乘訪戴船

呂聖求詞初過南村沽酒市

皮襲美詩

夏陰初合掩雙扉吾廬見送李友梅佳處見縹緲峯
周美成詞念月榭攜手露橋吹笛一笠見西田詩

浪淘沙 題畫蘭

枉自苦凝眸。腸斷歸舟。依然明月舊南樓。報道孫郎消

息好。楊柳風流。花意落銀鈎。一寸輕柔。生綃不剪少

年愁。看取幽蘭啼露眼。心上眉頭。此答畫蘭女子○疑

賦是以行子腸斷謝元暉詩天際識歸舟明月南樓

用庾亮事見送龔孝升注孫郎見二十五日詩楊

柳風流見王郎曲跋花意見畫蘭曲銀鈎見九友歌

元裕之詩纖絲弄輕柔生綃見六真歌宋顯夫

詞更休教鄰曲偷窺幽蘭啼曉露百詩葉含濃露如

啼眼范希文詞眉間心上無計相迴避李易安詞纔

下眉頭却

上心頭

又端午

纏臂綵絲繩。妙手心靈。直珠嵌就一星星。五色疊成方

勝小。巧樣丹青。

刻玉與裁冰。眼見何曾。葫蘆如豆虎

如蠅。旁繫纍絲銀扇子。半黍金鈴。

極力鋪排亦東京夢華錄之意○爾雅翼

荆楚之俗五月五日五絲纏臂謂為長命縷古詩直如朱絲繩

妙手見二十五日詩參同契心靈本自悟

字彙嵌陷入中也

皮襲美詩翠毫金縷一星星

袁伯

長詩翠標疊勝歲華移賀方回詞巧剪合歡羅勝子

巧樣見董白像

子山馬射賦刻玉而遊河辛幼安詞

鏤玉裁冰著句

元詩耳聞眼見為君說

陸務觀詩

恨渠不識小葫蘆高季迪詩書字細如蠅淮南王畢萬

術五月五口取蠅虎杵碎拌豆白踴躍可以擊蠅

夢華錄

五月五日都人爭造百索文花銀樣鼓兒花花

巧扇

半黍見楚兩生行天寶遺事密綴金鈴繫於花

上梢之

又 枇杷

羣芳譜枇杷一名盧橘樹形似琵琶故名本草綱目金橘盧橘註文選者以枇杷

杷為盧

橘誤矣

上苑落金丸。黃鳥綿蠻。曉窓清露濕雕盤。恰似戒珠三

百顆。琥珀沉檀。

纖手摘來看。香色堪餐。羅衣將褪玉

漿寒。怕共脆圓同薦酒。學得些酸。

工於賦物○上苑見海戶曲金丸見生查

子注宋景文枇杷詞柯疊黃金丸

李山甫詩碧峯來

曉窓清露見西田詩張道濟詩雕盤裝草樹

戒珠見

戲贈蘇詩飽啖荔枝三百顆廣志枇杷四月熟大者如

雞子小者如龍眼

琥珀沉檀見戲贈

纖手見茉莉

陸士衡詩秀色若可餐

羅衣見子夜歌

劉孝威詩

雕壺承玉漿楊廷秀枇杷詩漿流冰齒寒

周美成梅

花詞相將見脆圓薦酒陶九成梅詞待一點脆圓成須
信和羹問切張如哉曰脆圓謂梅子也梅子酸故云
羣芳譜枇杷甘酸平無毒宋
張孚休枇杷詩如蜜少加酸

吳詩集覽卷十九下

詩餘一之下

柳梢青

紅粉牆高。風吹嫩柳。露濕天桃。扇薄身輕。香多夢弱。腸斷吹簫。誰能一見相拋。動人處。詩成彩毫。帳底星眸。

窓前皓腕。又是明朝。

此贈伎之作。唐無名氏詩紅粉牆頭道蘊家。庾詩綠珠歌扇薄。

身輕見浣溪沙

呂溫詩紙上香多蠹不成。羅昭諫

詩任是無情亦動人。溫飛卿詩彩毫一畫竟何榮。

崔千牛詩明璫玉女動星眸。

洛神賦攘皓腕于神滸兮。

西江月 靈巖聽法

昔日君王舞榭。而今般若經臺。千年霸業總成灰。只有

白雲無礙。看取庭前柏樹。那些石上青苔。殘山廢塔

講堂開。明月松間長在。

此當與靈巖觀設戒同時作。○

蘇詩長誦金剛般若經。廬山記晉沙門惠遠于廬山集

一時名士高僧會于般若臺。霸業見登縹緲峯李詩

切石乃成灰。白詩了然無一礙。張如哉曰傳燈錄

僧問如何是祖師西來意。答云庭前柏樹子。樓穎浣

紗石詩石上青苔思殺人。杜詩殘山碣石開。蘇州府

志靈巖禪寺宋太平興國初節度使孫承祐為其姊吳

越國妃建磚塔于此講堂見

謁剖公王詩明月松間照

又詠別

烏鵲橋頭夜話。櫻桃花下春愁。廉纖細雨綠楊舟。畫閣

玉人垂手。

紅袖盈盈粉淚。青山剪剪明眸。今宵好夢

倩誰收。一枕別時殘酒。

深情高唱寫出名士風流。鵲橋見驪山白詩能來夜話否。

櫻桃花見琴河感舊序春愁見如夢令其三

巨源詞那更廉纖雨蘇詞點點樓前細雨綠楊船見孝

若山樓

畫閣見鴛湖曲玉人見永和宮詞古西州曲

欄干十二曲垂手明如玉

歐陽永叔詞寸寸柔腸盈

盈粉淚

韓致光詩側側輕寒剪剪風按梅村兼用剪

水雙瞳意明眸見銀泉山

張建詩月影曉窓留好夢

高季迪詩冷香狼藉倩誰收

一枕見

醜奴兒令李易安詞

濃睡不消殘酒

氣韻逼真大蘇此

梅村詞之最

高者

又

詠雪塑僧伽像

魏書釋老志所謂佛者本號釋迦

透出光明眼耳。忍來冰雪心腸。坐時兩手且收藏。捏弄

兒童無狀。

着體生成冷絮。開門自在齋糧。大千世界

儘銀裝。到得來朝一樣。

將雪字僧字組織成文。○法苑珠林如來有六種光明般若經

六根者謂眼耳鼻舌身意根

莊子肌膚若冰雪

收

藏見讀西臺記

史記賈生傳白傷爲傳無狀

張如

哉曰生成冷絮暗用塵心已作粘泥絮李義山詩雪絮

相和飛不休

法華經觀自在菩薩行身般若波羅蜜

多時嚴正文詩齋糧谷鳥銜

華嚴經此三千大千世

界之中有百億須彌山沈存中詩銀裝背嵬打回回

南柯子 涼枕

頰印紅多暈。釵橫響易尋。美人一覺在花陰。怕是耳珠

鈎住鬢雲侵。

有分投湘簾。無緣伴錦衾。眼多唧溜爲

知音。受盡兩頭牽繫像人心。

清麗入情各段後半更用意○蘇詩笑窺有紅頰又

曉日着顏紅有暈釵橫見蒲東沈自炳詞覺來枕畔

玉釵猶響王介甫詩驚回一覺游仙夢孫夫人詞一

鈎羅襪行花陰風俗通耳珠曰璫白詩春黛雙蛾歛

秋蟲兩鬢侵韋應物詩湘簾玲瓏透象床錦衾見

讀史有感字典溜水溜下也禮審聲以知音

捉搦歌中央有絲兩頭繫晏叔原詞牽繫玉樓人

又竹夫人蘇詩贈君無語竹夫人

玉骨香無汗從教換兩頭受人顛倒被人勾只是更無

腸肚便風流嬌小通身滑玲瓏滿眼愁有些情性欠

溫柔怕的一時拋擲在深秋遊戲之作○蘇詞水肌玉

衣裳腸肚見子夜歌嬌小見青門曲玲瓏見琵琶

行白詩春嬌滿眼睡紅消飛燕外傳謂為溫柔鄉

白詩不如此毯溫且柔牛希濟詞恨郎

拋擲淚濕羅衣薛大拙詩疎雨似深秋

鵲橋仙

園林晚霽。池塘新漲。明月窺人縹緲。萬木陰森穿影過。驚噪起一羣山鳥。纖雲暗度。銀河斜轉。露濕桂花香。

悄少年此夜不須眠。把鐵笛橫吹到曉。此咏夜景○祖

好宋延清詩晚霽江天好曾純甫詩碧波新漲小池

塘蘇詞一點明月窺人縹緲見送志衍韋應物詩

秋深萬木疎溫飛卿詩畫壁陰森九子堂蘇詩鳥噪

猿呼晝閉門嵇叔夜詩山鳥羣飛傅休奕詩纖雲時

髣髴杜詩暗度南樓月銀河見青門曲謝偃明河賦

巨紫極以斜轉王仲初詩冷露無聲濕桂花鐵笛

見避亂張見蹟

詩還同橫笛吹

南鄉子 新浴

皓腕約金環。艷質生香浸玉盤。曲曲屏山燈近遠。偷看

一樹梨花露未乾。扶起骨珊珊。裙衩風來怯是單。楚

解切背立梧桐貪避影。更闌。月轉迴廊半臂寒。艷詞○

曹詩皓

腕約金環。艷質見西田賞菊生香見玉京墓玉盤見

海戶曲張子野詞屏風曲曲鬪紅牙。李義山詩偷

看吳王苑內花。白詩梨花一枝春帶雨。零參詩柳拂

旌旗露未乾。按末二句暗用趙后遺事內窺浴事而明

用長恨歌中字也。白詩侍兒扶起嬌無力。骨珊珊見

蕉團。李義山詩裙衩芙蓉小。呂洞賓詞教人立盡

梧桐影。西陽雜俎王山人言人影不欲照水照井及浴

盆中古人避影亦為此。潘庭堅詞更闌折得梅花獨

自看。沈自炳詞桐花月

轉迴廊半臂見子夜歌

又 春衣

玉尺剪裁工。鬪色衣衫巧。樣縫深淺配。來纖手綻重重。
蒲紫蒲青雅澹中。斜領叩金蟲。透肉生香寶。袂鬆茜

袖半垂鴉襪淺。從容百折羅裙細。細風。平而腴是福澤人語。○玉尺見

楚雨生行。歐陽永叔詩。老手尚能工剪裁。楊廉夫詩。

吳娃鬪色櫻在口。巧樣見題董白像。纖手見茉莉綻

見謝贈道衣。白詩。裁綃裁錦一重重。謝靈運詩。新

蒲含紫茸。韓詩。青青水中蒲。周美成詞。衣裳淡雅。古

捉搦歌。可憐女子能照影。不見其餘見斜領。吳叔庠詩。

寶葉鉤金蟲。周美成詞。睡半醒。生香透肉。隔場帝詩。

寶袂楚宮腰。類篇。袂所以束衣也。本草。茜今染絳茜

草也。鴉襪見楚雲。字典。折曲也。羅裙見鴛湖。閨咏。韓

致光詩。抱柱。立時風細細。

又牡丹頭

高聳翠雲寒。時世新粧喚牡丹。豈是玉樓春宴罷金盤。

頭上花枝鬪合歡。着意畫烟鬟。用盡元都墨。幾丸不

信洛陽千萬種。爭看魏紫姚黃總一般。李笠翁閒情偶寄極辨牡丹頭

之謬梅村此詞蓋賞鑒之○張子澄詞綠雲高綰字典

聳高也馮敬通顯志賦乘翠雲而相伴白詩時世粧

時世粧出自城中傳四方又玉樓宴罷醉和春岑

參詩岸柳拂金盤嵇叔夜養生論合歡蠲忿烟鬟

見讚佛詩注元都見題周櫟園墨癖詩唐書藝文志

秘書監季給上谷墨三百三十六丸牡丹譜牡丹出

洛陽者為天下第一

魏紫姚黃見望江南注

臨江仙 逢舊

落拓江湖常載酒。十年重見雲英。依然綽約掌中輕。燈

前纔一笑偷解砑羅裙。薄倖蕭郎憔悴甚。此生終負

卿卿。姑蘇城外月黃昏。綠窓人去住。紅粉淚縱橫。逸情雋上

非大蘇不能○杜牧之詩落拓江湖載酒行唐詩紀

事雲英鍾陵妓羅昭諫詩重見雲英掌上身莊子綽

約若處子掌中見聽朱樂隆注吳文英字君特詞一

笑燈前釵行兩兩春容麗情集崔懷寶詞砑羅裙上

放嬌聲薄倖蕭郎見琴河感舊卿卿字出晉書庾

徵傳又世說王安豐婦語張懿孫詩姑蘇城外寒山

寺林君復詩暗香浮動月黃昏蘇詩綠窓朱戶春晝

閑司空文明詩天涯去住淚沾巾紅粉見贈李雲田

杜詩四座

淚縱橫

此詞蓋爲卞玉京作歷落纏

綿聲情俱佳自屬集中高唱

張如哉曰油蔚贈別營妓卿卿詩日照綠窓人去住

鴉啼紅粉淚縱橫又此生終不負卿卿梅村此詞用

之

又

過嘉定感懷侯研德

明詩綜侯法字研德後更名涵字中德蘇州嘉

定縣學生禦黨私謚
貞憲先生有掌亭集

苦竹編籬茅覆瓦。海田久廢重耕。相逢還說廿年兵。寒

潮衝戰骨。野火起空城。

門戶凋殘賓客在。淒涼詩酒

侯生。西風又起不勝情。一篇思舊賦。故國與浮名。

君房門第

多遷改當以此詞注之。

白詩黃蘆苦竹繞宅生。編籬

見松鼠蘇詩新居已覆瓦。

海田見再寄三弟。寒潮

見塗松晚發戰骨見蟋蟀盆歌。

白詩野火燒不盡空

城見行路難。

門戶見送維夏北行。劉越石答盧諶書

親友凋殘。

侯生見贈陳定生。

西風見江上不勝

情見青門曲。

思舊賦見贈陸生。

浮名見別孚令

醉春風 春思

門外青驄騎。山外斜陽樹。蕭郎何事苦思歸。去去去。燕子無情。落花多恨。一天憔悴。私語牽衣淚。醉眼偎人。

覷。今宵微雨怯春愁。住住住。笑整鸞衾。重添香獸。別離。

還未。

兩首俱妓館之詞。此首是將別而挽留之。○溫飛卿詩。門外蕭郎白馬嘶。青驄見琴河感舊。

永叔詞。

行人更在春山外。徐師川詞。胸中千種愁。掛在斜陽樹。蕭郎見琴河感舊。

斜陽樹。

蕭郎見琴河感舊。晁叔用詞。無情燕子怕春寒。輕失佳期。

春寒。

輕失佳期。韋承慶詩。落花相與恨。一天見送遠圖。

遠圖。

白詩。夜半無人私語時。牽衣見雒陽行。杜詩。桃花氣暖眼自醉。

桃花氣。

暖眼自醉。歐陽永叔詞。弄筆俚人久。陶詩。微雨自東來。春愁見如夢令。

雨自東來。

春愁見如夢令。杜牧之詩。將淚入鸞衾。

香譜。

香獸以塗金爲狻猊。空中以燃香使烟自口出。

空中。

以燃香使烟自口出。

又

眼底桃花媚。羅襪鈎人處。四肢紅玉軟。無言醉醉醉。小

閣迴廊。玉壺茶暖。水沉香細。重整蘭膏膩。偷解羅襦

繫。知心侍女下簾鈎。睡睡睡。皓腕頻移。雲鬟低擁。羞眸

斜睇。○李文山詩。眼底桃花酒半醺。羅襪見楚雲。

吾詩。酒入四肢紅玉軟。小閣見西田詩。回廊見虎邱

夜集圖。飛燕外傳。后報合德以沉水香玉壺。羅昭

諫詩。夜直鑪香細。張仲舉詞。重整釵鸞。箏雁蘭膏見。

戲贈其八。賀方回詞。羞把香羅偷解。史記淳于髡傳。

羅襦襟解。盧仝詩。指揮婢子掛簾鈎。皓腕見柳梢。

青。朱子詩。落木髻鬟擁。禮記疏。不邪睇而視之。

較李笠翁紀艷等詞。自有雅鄭之分。

江城子

風鳶

唐書田悅傳以紙為風鳶高百餘丈

柳花風急賽清明。小兒擎走傾城。一紙身軀。便欲上天行。千丈游絲收不住。纔跌地。倏無聲。憑誰牽弄再飛

鳴。御風輕。幾人驚。江南二月。聽呼鷹。趙瑟秦箏天外響。

彈不盡海東青。

○百詩誰能更學兒童戲尋逐東風捉柳花風急見避亂續博物志今之紙

鳶引絲而上。令小兒張口望視以洩內熱。

杜詩走過

掣電傾城知。

又一行白鳶上青天周美成詞惟有

游絲千丈裊晴空。

韋承慶詩到地無一聲御風見

贈村退之。

呼鷹見百草堂觀劇楊子幼報孫會宗

書婦趙女也。雅善鼓瑟。曹詩秦箏何慷慨。謝元暉詩秦

箏趙瑟。海東青見海戶曲。楊和吉灤京雜詠。新腔翻

得涼州曲。彈出

天鳶避海青。

此詞似爲阮大鍼而作大鍼扳附魏闥身麗逆案所謂上天跌地也南渡僞立爲馬士英所援蟒玉巡江所謂牽弄飛鳴也至呼鷹海青固爲觀貼鳶字然風鳶卽風箏故用箏瑟字而又以箏瑟陪觀阮字也又大鍼字圓海故用海東

青字敢以質之論世者

張如哉曰後段江南上少二字與詞律所載謝無逸詞不合疑漏刻草長二字也江南草長羣鶯亂飛邱希範語見送李退菴侍御注

千秋歲 題袁重其侍母弄孫圖

袁重其見贈田宗周後漢書馬

后紀吾但當含節弄孫

吳中佳士獨有袁絲耳。營筆墨供甘旨。但期慈母笑。敢告吾勞矣。願只願年年進酒春風裏。少婦晨粧起。抱

得佳兒侍珠一顆駒千里石麟天上送蠟鳳階前戲回

首道待看兒長還如此

兩段末句最佳○晉書司馬承傳王敦曰太王雅素佳士

記袁盎傳字絲

又天下所望者獨季心劇孟耳張喬

詩何處營甘旨

詩不敢告勞

古樂府有將進酒

少婦字出東方朔傳

白詩桃李晨粧靚

司空文明詩

蔡廓是佳兒

梁書劉孺傳此兒吾家之明珠也五燈

會元既是一顆明珠學人爲甚不識

漢書劉德傳武

帝謂之千里駒

南史徐陵傳天上石麒麟也

又王

僧虔傳父曇首與兄弟集子孫任

其戲適僧綽採蠟燭珠爲鳳凰

風入松

題和州守楊仲延所寄鷹阿山人戴君

畫

程迂亭曰戴大有字書年杭人善人物花鳥蘭竹尤佳見續圖繪寶鑑

長松落落蔭南岡亂山橫砌銀塘梅花消息經年夢慢

支頤老屋繩床。斐几風吹散帙。紙窓雨洗疎簷。丹青

點染出微茫。妙手過倪黃。寒雲流水閒憑弔。誰能認當

利橫江。翰墨幽人小戴。文章太守歐陽。○遊天台山賦。蔭落落之長松。

南史沈慶之傳。徒步歸南岡。亂山見圍。次罷官銀塘。

見訪霍魯齋。李詩。聞道春還未相識。走傍寒梅訪消息。

經年見呈李太虛。支頤見和西田韻。老屋見陸墩。

詩。岑參詩。山月吐繩床。斐几見玉京傳。說文。帙。書衣。

也。紙窓見題畫。杜詩。雨洗娟娟淨。雍國鈞詩。疎簷抽。

晚筍。點染見送遠圖。微茫見宿福源精舍。妙手見。

二十五日詩。倪雲林。黃子久并已見。寒雲見遇劉雪。

觴。一統志。當利浦在和州東南。大江之別浦也。橫江。

浦在和州東南。橫江河在和州南一里許。翰墨見觀。

通天帖。易。幽人貞吉。漢書儒林傳。戴聖號小戴。以博士。

論石渠至九江太守。歐陽永叔詞。文章太守揮毫。

萬字一飲千鍾。醉翁亭記。太守為誰。廬陵歐陽修也。

按詞律載風入松凡三體而皆與此詞小異吳文英詞尚爲近之然前段第二句飛作楚雲狂乃五字句後段慰溪橋流水昏黃慰字用仄橋字用平亦與此詞異俟考

紅林擒近 春思

龜甲屏還掩。博山香未焦。鸚鵡煖猶睡。曉鶯上花梢。醒來擡身半晌。細雨濕。夢無聊。女伴戲問春宵。笑頰暈紅。

潮。黛眉新月。偃羅襪。小蓮初更衣。攏髻背人自拆櫻。

桃怨玉郎起早。日長倦繡。小樓花落吹洞簫。將細雨夢。

小樓吹徹玉笙寒。行爲兩段矣。洞冥記上起神明臺。上有金床象席。雜玉爲龜甲屏風。博山見行路難注。

韓致光詩。韓壽香焦亦能偷。司空表聖詩。滿鴨香薰。鸚鵡睡溫。飛卿詩。籠中嬌鳥煖猶睡。黃魯直詩。君看。

花梢朝露 篇海晌午也 王詩草色全經細雨濕
曾詩濕雲如夢雨如塵司空表聖詩花落夢無聊女
伴見彈琴歌百詩芙蓉帳煖度春宵 韋端已撫楹歌
笑頰兮花嬌蘇詞玉顏醉裏紅潮 戰國策權衡犀角
偃月王廣津詩惟看新月吐蛾眉 羅襪見楚雲張如
哉曰蓮初用潘妃步步生蓮花事類篇初襪頭也 更
衣出史記外戚世家韓致光詩無言攏髻時 櫻桃見
青門曲 李巨山詩玉郎猶未歸 袁伯長詩美人倦
繡態橫陳 李後主詞小樓
昨夜又東風洞簫見行路難

金人捧露盤 觀演秣陵春

按秣陵春梅村所作傳奇也

記當年曾供奉舊霓裳嘆茂陵遺事淒涼酒旗戲鼓買
花簪帽一春狂綠楊池館逢高會身在他鄉喜新詞
初填就無限恨斷人腸為知音仔細思量偷聲減字畫

堂高燭弄絲簧夜深風月催檀板顧曲周郎此詞與琵琶行我亦

承明侍至尊一段語意相似但觀自作之劇更覺惘然

耳○供奉見王郎曲霓裳見琵琶行茂陵見永和宮

詞遺事見琵琶行李長吉詩試問酒旗歌板地劉

訖詩紙旗戲鼓祭叢祠于國寶詞一春費盡買花錢

陸務觀詩簪帽憑誰揀好枝綠楊見避亂池館見哭

志衍高會見遇劉雪舫蔡伯喈詩忽覺在他鄉填

詞見琵琶行李詩解釋春風無限恨孟詩天涯一

望斷人腸周美成詞仔細端相知音見說無雙楊

補之詞偷聲減字不怕人腸斷杜牧之詩畫堂檀板

秋拍碎高燭見西田賞菊絲簧見虎邱夜集圖風月

見半園林君復詩不須檀板共金尊

吳志周瑜傳曲有誤周郎顧

柳初新 閨思

畫欄深鎖鴛鴦暖照素影花枝軟綠雲斜暎音寶釵欲

墜倦起日高猶嬾。嗔道是風簾捲。半擡身慵開嬌眼。

閣外青山點點。問平疇綠蕪誰糝。玉驄嘶去欲窺還避。

肩倚侍鬟微掩。凝望處雙眉歛。似不禁燕拘鶯管。閣外

二句最佳。○李才江詩遙想清才倚畫欄。許仲晦詩樓臺深鎖無人到。杜詩沙暖睡鴛鴦。萬齊融詩素影沉。

沉對蝶飛。蔣竹山詞我愛荷花花最軟。晏叔原詞綠雲斜。驪金釵墜。白詩日高猶睡綠窓中。謝元暉詩。

風簾入。雙燕。李易安詞簾捲西風。曹堯賓詩雙眼慵開。玉筯斜。蘇詞縈損愁腸。困酣嬌眼。潘庭堅詞閣下。

溪聲閣外山。白詞吳山點點愁。陶詩平疇交遠風。白詩孤城覆綠蕪。張如哉曰糝字本杜詩糝徑楊花鋪白。

毡。玉驄見彈琴歌。江詩凝望信長懷。李重規詩嬌嬾眉際斂。孔平仲詩千枝花葉誰拘管。

發乎情止乎禮義詩教也後半段似有越思或以示戒與

吳詩集覽卷二十上

黎城靳榮藩介人輯

詩餘二之上 長調

意難忘 山家

見查灣過友人飯

村塢雲遮有蒼藤老幹翠竹明沙溪堂連石穩苔徑逐
籬斜。文木几小窓紗。是好事人家。啟北扉移床待客。百
樹梅花。衰翁健飯堪誇。把瘦尊茗枕高話桑麻。穿池
還種柳。汲水自澆瓜。霜後橘。雨前茶。這風味清佳。喜去
年山田大熟。爛熳生涯。

○庾詩依稀映村塢杜詩浮雲薄漸遮又翠木蒼藤日月昏

戴復古詩老幹百年久
元暉臨楚江賦明沙宿莽
言詩苔徑綠無塵漢中山王有文木賦序
吳氏女子詩西風不入小窓紗
集異記青州人李清
好仙術雲門山下有石崖縋而下忽有臺宇道士四五
人囑清曰汝遊此院宇慎勿開北扉移床見園居
衰翁見過姜給事健飯見得友人札李有癭木尊詩
茗椀見觀王石谷畫高話見送周子儼孟詩把酒話
桑麻穿池見望江南種柳見送純祐南史沈麟士
傳負薪汲水晉書苻堅載記澆瓜之惠梁宋息兵孟
詩金子耀霜橘宋史食貨志建寧臘茶北苑為第一
其最佳者曰社前次曰火前又曰雨前開元傳信記
麴生風味不可忘也楊誠齋詩草光葉潤亦清佳後
漢書淳于恭傳家有山田果樹書秋大熟爛熳見海
戶曲生涯見
塗松晚發

滿江紅

題畫壽總憲龔芝麓

楚尾吳頭。僅斗大孤城山縣。正遇着青絲白馬。西風傳

箭。歸去秦淮花月好。召登省閣江山換。更風波黨籍總

尋常。思量遍。文史富。才名擅。交與盛聲華健。正三公

開府。張燈高宴。綠髻功名杯在手。青山景物圖中見。待

他年揀取碧雲峯。歸來羨。壽龔詩有賀監歸來語詞中亦羨歸來與泛然壽詞不同

○朱子詩春回楚尾吳頭。南史宗慤傳為豫州曰慤

年六十得一州如斗大不能復與典籤共臨之山縣見

送永城令。按此指芝麓令靳水時梁書侯景傳普通

中童謠曰青絲白馬壽陽來。傳箭見遇南廂園叟

秦淮見閬州行。後漢書馮衍傳子豹舉孝廉拜尚書

郎每奏事未報常俯伏省閣。晉書王導傳舉目有江山

之異。風波見鴛湖曲王明清揮麈後錄紹聖改元章

惇為左僕射蔡卞迎台出是立元祐黨籍。思量見觀

秣陵春

文史見送李雲田

才名見壽龔芝麓

易

上下敵應疏

又皆峙敵不相交與故曰上下敵應不相

與也聲華見送何省齋開府見老妓行高逵夫

詩高館

張燈酒復清

南史沈炯傳

指柏梁而高宴

吳

叔庠詩

綠髯愁中改

江詩平明登雲峯

景

物因人成勝槩

江詩平明登雲峯

又 白門感舊

松栝凌寒掛鍾阜玉龍千尺記那日永嘉南渡蔣陵蕭

瑟羣帝翱翔騎白鳳江山縞素觚稜碧躡麻鞋血淚灑

冰天新亭客雲霧鎖臺城戟風雨送昭邱柏把梁園

宋寢燒殘赤壁破衲重游山寺冷天邊萬點神鴉黑羨

漁翁沾酒一簑歸扁舟笛

高唱入雲

兼寫出作者身分

張如哉曰此遇雪而感舊

也玉龍白鳳縞素冰天明點雪字次段暗寫雪字○松
栝見維陽行李詩誰知凌寒松千載長守一按鍾阜
卽鍾山羅昭諫詩玉龍無主浪頭寒王子端詩掛鏡臺
西掛玉龍永嘉南浪見送子似青瑤蔣陵見鍾山
蕭瑟見彈琴歌謝元暉詩秉玉朝羣帝詩將翺將翔
子山豕戲賦白鳳遙臨縞素見圓圓曲觚稜見行路
難杜詩麻鞋見天子淚灑冰天見贈遼左故人注
晉書王導傳過江人士每至暇日出新亭飲宴周顒
中坐而歎相視流涕殷璠詩雲鎖木龕聊息影黃魯
直三笑圖贊霧鎖雲埋臺城見臺城史記龜策傳
風雨送之昭邱見永和宮詞梁園魏寢見後東臯
歌燒殘赤壁見東南風注長阿含經尊者迦葉着
敗衲衣劉孝綽詩天邊生岸影姜特立詩璇霄烏萬
點神鴉見黃河鄭守愚雪詩漁人披得一簑歸梅
聖俞詩迴聞孤舟笛

又過虎邱申文定公祠

明史申時行傳字汝默長洲人以左侍郎兼東

閣大學士累進少傅吏部尚書建極殿贈太師
諡文定蘇州府志申文定公祠祀明大學士時
行一祠
在虎邱

相國祠堂看古樹蒼崖千尺聽斷澗輓轡聲繁闌干吹

笛士女嬉游燈火亂君臣際會松杉直任年年急雨打

荒碑兒童識今古恨興亡蹟白社飲青門客歎三公

舊事吾徒蕭瑟歌舞好隨時世改溪山到處還堪憶儘

浮生風月倒金尊千人石前段申祠後段感慨繫之○

林集于古樹蒼崖見臨江叅軍永經注斷澗爲城

輓轡見柳毅井陸務觀詩獨倚欄干吹玉笛

嬉游見陸天乙畫蘇詞望長橋上燈火亂使君還

詩君臣已與時際會又古廟松杉巢水鶴又急雨捎

溪足白社見後東臯歌青門見青門曲舊事見
歸國浮生見二十五日詩風月見半圃謝靈運詩金
樽盈清醕千人
石見虎邱夜集圖

又

讀史

王介甫有讀史詩

顧盼雄姿數馬稍當今誰比論富貴刀頭取辦只應如
此十載詩書何所用如吾老死溝中耳願君侯誓志掃
秦關如江水烽火靜淮淝壘甲第起長安裏尙輕他
絳灌何知程李揮麈休譚邊塞事封侯拂袖歸田里待
公卿置酒上東門功成矣此贈將帥之作而以讀史命題意所贈者非其人也○顧
盼見雁門尙書行傳休奕鷹賦雄姿邈世馬稍見哭
志衍南史周盤龍傳子奉叔就帝求千戶侯忽謂蕭

諶曰若不能見與千戶侯不復應減五百戶不爾周郎
當就刀頭取辦耳史記陸賈傳安事詩書

買臣傳妻恚怒曰如公等終餓死溝中耳君侯見贈

馬督府白詩誓志居巖扃張如哉曰晉書王鎮惡傳咸

陽不克誓不濟江誓志句暗用之駱賓王詩秦塞重

關一百二蘇詩有田不歸如江水烽火見閬州行

淮淝見壽申青門甲第見送杜汝武史記淮陰

侯傳羞與絳灌等列絳灌見讀史偶述史記魏其武

安侯傳今日斬頭陷胸何知程李平按程不識李廣

抑塵見寄周茂公序史記三王世家待罪行間宜專邊

塞之思慮拂袖見送何省齋歸田見贈吳雪航後

漢書疏廣傳公卿大夫故人邑子設祖道供帳東都門

外上東門見洛陽行晉書羊祜傳既定邊事當角巾東

路歸故里為容棺之墟疏廣是吾師也老子功成而

居不

又感舊

滿目山川。那一帶石城東治。記舊日新亭高會。人人王

謝。風靜旌旗。瓜步壘。月明鼓吹。秦淮夜。筭北軍天塹。隔

長江。飛來也。暮雨急。寒潮打。蒼鼠竄。宮門死。看雞鳴

埭下。射雕盤馬。庾信哀時。惟涕淚。登高却向西風灑。問

開皇將相。復何人。亡陳者。

與白門感舊同意。彼首所感者。家國此首所感者。身世也。

○李巨山詩。山川滿目。淚沾衣。韓持國潤州詩。一帶

分江。紀石城。見哭志衍。一統志。治城在江寧府上元縣

西輿地紀勝。東冶亭在城東八里。新亭見白門感舊

南史。侯景傳。王謝門高。瓜步見送周子俶。宋史

樂志。鼓吹者。軍樂也。秦淮見閶州行。天塹三句見讀

史雜感注。劉夢得詩。潮打空城寂寞回。杜詩。蒼鼠

竄古瓦。一統志。雞鳴埭在上元縣南。射雕見雪中

遇獵。魏書傳。永傳。年逾八十。猶能馳射。盤馬奮稍。杜

詩詞客哀時且未還又庚信平生最蕭瑟
應將別淚灑西風按開皇隋文帝年號末三句卽感秦者秦也之意

又

詩酒溪山足笑傲終焉而已回首處亂雲殘葉幾篇青

史昔日兒童俱老大同時賓客今亡矣看道傍爭羨錦

衣郎曾如此遭際盛聲名起跨燕許追蘇李苟不知

一事吾之深恥年少卽今何所得孝廉聞一當知幾論

功名消得許多才偶然耳

此南歸後詠懷之作○笑傲見贈李笠翁晉書王羲之

傳初渡浙江便有終焉之志

詩林高葉早殘青史見遣悶

七發波涌雲亂庾子慎老大見送何省齋

史記項羽紀富貴不歸故鄉如衣錦夜行耳唐書蘇
頌傳與張說以文章顯稱望畧等故時號燕許大手筆
又蘇味道傳與里人李嶠俱以文翰顯時號蘇李又
宋之問傳蘇李居前沈宋比肩謂蘇武李陵也後漢
書張衡傳耻一物之不知南史陶宏景傳讀書萬餘卷
一事不知以為深耻後漢書左雄傳孝廉徐淑年未
及舉雄詰之曰顏回聞一知十孝廉聞一知幾耶羅
虬詩費得微之爾許才後漢書劉昆傳詔問昆曰江
陵反風滅火宏農虎北渡河
何德政而致是對曰偶然耳

又 贈南中余澹心

篋衍集余懷字澹心 福建莆田人

綠草郊原此少俊風流如畫儘行樂溪山佳處舞亭歌
榭石子岡頭聞奏伎瓦官閣外看盤馬問後生領袖復
誰人如卿者雞籠館青溪社西園飲東堂射捉松枝

麀尾。做些聲價。賭墅好尋王武子。論書不減蕭思話。聽

清譚。麀麀逼人來。從天下。

澹心僑蘇杭最久。蓋高尚之士而隱於聲色間者。此詞足以表之。

梁昭明太子七契碧樹初藥綠草含滋。蕭子範詩。郊原共超遠。

錢仲文詩。少俊蔡邕許。蘇詞。江山如畫。行樂見行路難注。

荒基記歌榭。石子岡見鍾山奏伎見老妓行。

志昇元閣在江寧縣西南輿地紀勝昇元閣又名瓦官閣。乃梁朝所建。高二百四十丈。盤馬見感舊。

晉書胡母輔之傳。誠為後進領袖也。

吳志孫策傳。我不如卿雞籠館見雞鳴寺注。

青溪見清風使節圖。

曹詩清夜遊西園。

南史庾悅傳。劉毅在京口與鄉曲往東堂共射。

松枝麀尾見閬園詩。

後漢書袁紹傳。袁本初坐作聲價。

賭墅見送沈繹堂。

晉書王濟傳。字武子。宋書蕭思話傳。南蘭陵人。好書史。庾子慎書品。蕭思話書走墨連綿字勢屈強。

清譚見哭志衍。晉書謝安傳。此客麀麀為來逼人。

漢書周勃傳。以為將軍從天。

而下也

尤展成和韻對酒當歌君休說麒麟圖畫行樂耳柳
枝竹葉風亭月榭滿目山川汾水雁半頭霜雪燕臺
馬問何如變姓隱吳門吹簫者蘭亭禊香山社桐
江釣華林射更平章花案秤量詩價作史漫嗤牛馬
走詠懷却喜漁樵話看孟
光把盞與眉齊臯橋下

又重陽感舊

把酒登高望北固崩濤中斷還記得寄奴西伐彭城高
譙飲至凌歊看馬射秋風落木堪傳箭歎黃花依舊故
宮非江山換獨酌罷微吟倦斜照下東籬畔念柴桑
居士高風誰見佳節又逢重九日明年此會知誰健論

人生富貴本浮雲。非吾願。

前段懷舊後段自詠俱用重陽點綴○把酒見送志衍登

高見虎邱卽事

北固見九友歌

南史宋武帝紀小

字寄奴彭城縣綬輿里人

按西伐指義熙十三年尅長

安禽姚泓也彭城高譙指爲宋公在彭城九日出項羽

戲馬臺譙集也一統志彭城故城今徐州府治高宴見

壽龔芝麓

左傳隱五年歸而飲至凌歊見海戶曲子

山有華林園馬射賦

傳箭見遇南廂園叟黃花見

後東臯歌

故宮見雒陽行江山換見壽龔芝麓詞

長杜詩重陽獨酌杯中酒

魏文帝詩短歌微吟不能

桑見送李友梅居士見園園詩

東離見西田賞菊柴

倍思親

杜九日詩明年此會知誰健楊子幼報孫

會宗畫人生行樂耳須富貴何時

歸去來辭富貴非

吾願

又

賀孫本芝壽兼得子程迓亭曰本芝名朝讓

常熟人蘇州府志朝讓

又

賀孫本芝壽兼得子

字光甫崇禎辛未進士由刑部員外出知泉州府陞建南道進按察使陞江西布政使未赴而明亡優游林泉四十餘年年九十而終

老矣君謨曾日啖荔枝三百拂袖去筍輿芒屨彈琴吹

笛九日登高黃菊酒五湖放棹青山宅論君家住處本

桃源仙翁石門第盛芝蘭集五福滿雙珠出看龍文

驥子鳳毛殊特竹馬鳩車堦下繞朱顏綠髻尊前立問

今朝誰捧碧霞觴同年客前段賀壽後段兼賀得子同年捧觴仍點壽字○宋史蔡

襄傳字君謨倦遊雜錄蔡君謨亦著荔枝譜次句見

贈穆大苑先拂袖見送何省齋筍輿見縹緲峯芒

屨見贈願雲師張如哉曰五湖放棹暗用范蠡事稽

叔夜詩放擢投竿李詩宅近青山同謝朓崔顥詩君

崔顥詩君

家住何處

梅村壽陸孟鳧詩自注常熟有桃源澗

又孫孝維贈言自注

孫氏之先遇仙於烏日山之大石

唐書柳玭傳

戒子曰凡門第高可畏不可恃芝蘭

見忝谷畫蘭

三輔決錄韋康字元將弟誕字仲將孔

融與其父書曰

不意雙珠近出老蚌北史裴延儁傳

二子景鸞景鴻並有逸才

河東呼景鸞為驥子景鴻為

龍文

南史謝超宗傳鳳子超宗帝曰超宗殊有鳳毛

杜氏幽求錄

子年五歲有鳩車之樂七歲有竹馬之

歡

秦少游詞把綠髻朱顏一時留住曹

堯賓詩

方士飛軒駐碧霞酒寒風冷月初斜

天香樓偶得

槎菴小乘曰今人稱佳子弟為鳳毛以

為始於謝超宗

因超宗父名鳳故稱曰鳳毛不知王

邵風姿似其父

導桓大司馬曰大奴

固自有鳳毛

其事已在超宗前矣

又感興

老子平生雅自負交游然諾今已矣結茅高隱溪雲生

閣暇日好尋鄰父飲歸來一枕松風覺但拖條藤杖筍

鞋輕湖山樂也不赴公卿約也不慕神仙學任優游

散誕斷雲孤鶴健飯休嗟容髯改此翁意氣還如昨笑

風塵勞攘少年場安耕鑿玩此詞意梅村其有憂患乎

興復不淺袁陽源詩意氣深自負交遊見贈王杏

翁然諾見哭志行鮑詩結茅野中宿許仲晦詩溪

雲初起日沉閣韓非子其鄰人之父亦云杜有遭田

父泥飲詩晉書陶潛傳高臥北窓之下清風颭至自

謂羲皇上人王和甫詞稱瀟湘一枕南柯按此兼用陶

宏景特愛松風語朱希真詞拖條竹杖家家酒張文

昌詩畫苔藤杖細踏石筍鞦輕詩優游爾休矣散誕

見二十五日詩杜詩低空有斷雲隋煬帝詩孤鶴近

追羣健飯見得友人札劉希夷詩此翁白頭真可

憐意氣見贈李雲田古樂府有結客少年場行高

達夫詩一
身與耕鑿

又 蒜山懷古

蒜山見寄
周芮公

沽酒南徐聽夜雨江聲千尺記當年阿童東下佛狸深入白面書生成底用蕭郎裙屐偏輕敵笑風流北府好

譚兵參軍客人事改寒雲白舊壘廢神鴉集儘沙沉

浪洗斷戈殘戟落日樓船鳴鐵鎖西風吹盡王侯宅任

黃蘆苦竹打荒潮漁樵笛

此首咏鎮江府事聲情悲壯不必沾煞明末事也○南徐

見贈馮訥生

後赤壁賦

江流有聲斷岸千尺

阿童

見次走馬詩

按佛狸魏

道武小字深入見臨江參軍

白面書生見揚州注

蕭郎見贈蕭明府裙屐見贈

馮訥生輕敵見壽龔芝麓

北府風流見寄周芮公

叅軍見臨江叅軍

陸虔展詞烟月不知人事改寒

雲見遇劉雪舫

劉夢得詩故壘蕭蕭蘆荻秋辛幼

安北固懷古詞佛

劉夢得詩一片神鴉社鼓杜牧之詩

折戟沉沙鐵未消

劉夢得詩王濬樓船下益州又千

尋鐵鎖沉江底

杜詩王侯第宅多新主

伯詩黃蘆苦竹繞宅生

打荒潮見感舊注

張如哉曰此詞俱切鎮江說晉書王濬傳太康元年

濬發自成都率巴東監軍廣武將軍唐彬攻吳丹陽

寇之又濬上書自理曰臣被詔之日即便東下阿童

東下用此南史宋文帝紀元嘉二十七年魏太武率

大衆至瓜步聲欲渡江都下震懼內外戒嚴緣江六

七百里舳艫相接二十八年太武俘廣陵居人萬餘

家以北佛狸深入用此南史沈慶之傳元嘉二十七

年文帝將北侵慶之固陳不可時丹陽尹徐湛之吏

部尙書江湛並在坐上使難慶之慶之曰今欲伐國

而與白面書生輩謀之事何由濟白面句用此蕭郎

字本梁武帝紀指梁武帝君屐少年見北史邢巒傳

指蕭深藻而此詞則借指蕭斌也沈慶之傳慶之與

蕭斌留守碣磧王元謨攻滑臺積旬不拔魏太武大
軍南向斌遣慶之將五千人救元謨慶之曰少軍輕
往必無益也又慶之曰蕭斌婦人不足數蕭郎幫屐
偏輕敵用此晉書郗超傳超爲桓溫參軍時父愔在
北府溫恒云京口酒可飲兵可用又謝安笑曰郗生
可謂入幕之賓矣笑風流北府三句兼用此阮亭所
云能驅使南
北史爲詞也

又 壽金豈凡相國七十

豈凡卽曹村
相國見五律

雒社耆英高會處門前雙戟風景好沙堤花柳錦堂琴
瑟北叟南翁須健在東封西禪何時畢羨蒼生濟了袞
衣歸神仙客法醞美雕薪炙燈火炤笙歌席正朱樓
雪滿早梅消息矍鑠青山霜鐙馬歡娛紅粉春泥屐願

百年父老進霞觴昇平日時相國已告歸矣故壽詞皆家居語○朱子名臣言行錄

文潞公彥博元豐五年以太尉留守西都時富韓公以

司徒致仕公慕唐白樂天九老會乃集洛中公卿大夫

年德高者為耆英會以洛中風俗尚齒不尚官就資聖

院建大厦曰耆英堂閩人鄭夙繪象堂中時富公年七

十九公與司封郎中席汝言皆七十七朝議大夫王尚

恭年七十六太常少卿趙丙秘書監劉几衛州防禦使

馮行已皆年七十五天章閣待制楚建中朝議大夫王

慎言皆年七十二大中大夫張問龍圖閣直學士張燾

皆年七十時宣徽使王拱宸留守北京貽書潞公願預

其會年七十一獨司馬溫公年未七十潞公素重其人

用唐九老狄兼謨故事請入會雙戟見後東臯歌

杜詩自是江南好風景唐故事宰相初拜京兆使人

載沙塢路白私第至於城東街名沙隄歐陽永叔有

畫錦堂記杜詩垂白辭南翁委身希北叟健在見壽

孫子長東封見九峯歌蒼生見龍腹竹歌杜詩整

頓乾坤濟時了詩是以有袞衣兮無以我公歸兮

白詩美醞香醪嫩

雕薪見長平王詩

白詩笙歌歸

院宇燈火下樓臺

朱樓見揚州

僧齊已有早梅詩

李詩走傍寒梅訪消息

饗鑠見又咏古

杜詩結束

多紅粉歡娛恨白頭

寶鞏詩馬踏春泥半是花

高道

素上元賦霞觴羽飛

昇平見琵琶行

又壽顧吏部松交五十

蘇州府志顧予咸字小阮長洲人順治丁亥進

士晉寧山陰知縣擢刑部主事調吏部遷考功

員外移疾歸有諸生十八人面詰吳縣令不法

事巡撫朱國治庇令密告會勘大臣逮予咸繫

獄坐以指使論絞奉

旨復官尋以奏銷案

落職居鄉風裁峻整為後進所憚按詞中有眼

底羊腸天邊鰐浪當在其繫獄落職以後也

拂袖歸來閑管領烟霞除日筭得是與人無競高飛黃

鵠眼底羊腸逢九坂天邊鰐浪愁千斛脫身時還剩辟

疆園浮生足。樽酒在殘書。讀拳石小。滄洲綠。有風亭。

月榭醉彈絲竹。嫩籜雨抽堂下筍。蒼皮霜洗窗前木。倩

丹青寫出虎頭癡。山公屋。前段寫其脫險後段是園居之趣。○拂袖見。送何省齋。

管領見如夢令。唐書隱逸傳。田游巖烟霞痼疾。除目

見送沈旭輪。張子壽詩。無心與物競。戰國策。黃鵠

奮其六翮而凌清風。飄搖乎高翔。自以為無患與人無

爭也。史記正義。羊腸坂在太行山上。九坂見送何省

齋。按。鰲浪如陸務觀詩。鯨浪浮天。信所之。歐陽永叔

詩。荆江畏蛟浪之類。比也。愁千斛。見讀西臺記。脫身

見又咏古。晉書王獻之傳。嘗經吳郡。聞顧辟疆有名

園。浮生見二十五日詩。杜詩。草堂尊酒在。薛大

拙詩。就床吹落讀殘書。滄洲見九友歌。溫飛卿詩。

月榭風亭繞曲池。絲竹見老妓行。歐陽永叔詩。嫩

籜筠粉暗。韓詩。或亂若拙筍。杜詩。蒼皮成委積。孟東

野詩。霜洗水色盡。名畫記。晉顧愷之字長康。小字虎

吳詩。長卷。卷二十一上。

頭晉書顧愷之傳俗傳愷之有三絕才絕癡絕畫絕

山公見茸城行按末二句譏顧吏部三字也

按艮齋雜說顧松交顧蒨來兩吏部同時歸里聲勢赫奕有一顧傾人城再顧傾人國之譏其在此詞以前乎

滿庭芳

孫太初太白亭落成分韻得林字

湖州府志

太白亭在道場山孫一元墓前知府吳締立別見七言律

鐵笛橫腰鶴瓢在手烏巾白衿行吟仙蹤恍惚埋玉舊
烟林多少唐陵漢寢王孫夢一樣銷沉殘碑在高人韻
士留得到而今雲深來此地相逢五隱白石同心喜
今朝吾輩酌酒登臨忽聽松風驟響蘇門嘯髮遺音

歸來晚。峯頭斜景明日約重尋。前段從太初說到墓又

後段詠落成意思深摯張如哉曰太初秦人或曰安化

王裔故用唐陵漢寢王孫夢等語明史孫一元傳太

初踪跡奇譎烏巾白恰攜鐵笛鶴瓢遍遊中原庾詩橫

腰帶錦心楚辭行吟澤畔張子壽詩空想列仙蹤

老子恍兮惚兮晉書庾亮傳理玉樹於土中使人情

何能已溫飛卿詩獨此卧烟林一統志太初卒葬道場

山林景熙詩唐陵愁問永和帖徐孝穆詩漢寢若龍

川王孫見汴梁銷沉見茸城行殘碑見讚佛詩

按高人韻士指劉麟龍霓等所謂茗溪五隱也見七律

注白石見新都易同心之言其臭如蘭醉酒見陳

徵君祠孟詩我輩復登臨南史陶宏景傳特愛松風

每聞其響欣然為樂蘇門嘯見高士圖注禮有遺音

矣張見蹟詩歸雲向谷晚峯頭見讚佛詩褚希

明詩斜影照殘虹王詩再尋畏迷悞明發更登歷

張如哉曰白恰帽也白恰衣也史作

恰詞作裕一統志亦作恰宜從恰

六么令 詠桃

一枝穠艷。蘸破垂楊色。到處倚牆臨水。裝點清明。陌障
袖盈盈粉面。獨倚斜柯立。深紅淺白。無言忽笑。鬪盡鉛
華半無力。年年閒步過此。柳下人家識。烟臉嫩。霧鬢
斜。腸斷東風客。燕子欲來還去。滿地愁狼藉。芳姿難得。

韶光一片。囑付東君再三惜。

此借桃以見意前段就花說後段就看花說似意有

所屬也○李詩一枝穠艷露凝香

說文蘸以物投水

也趙德莊詞看波面垂楊蘸綠

王介甫詩倚牆斜日

數枝紅杜詩短短桃花臨水岸

翁文堯詩雨中粧點

望中黃趙德仁詞陌上清明近

周美成詞障風映袖

盈盈笑語柳耆卿詞擡粉面雲鬟相亞

本事詩崔護

清明游城南得村居叩門曰酒渴求飲女子啟關以盃

水至獨倚小桃柯。竚立而屬意殊厚。〔柳耆卿詞〕惟足
深紅淡白而已。〔荀子〕桃李不言，崔殷功詩：桃花依舊
笑春風。〔又〕自別河陽長負露房烟臉。〔杜詩〕香霧雲鬟
相識。〔羅昭諫詠桃詩〕回首東風一斷腸。〔張子野詞〕當
時去燕還來。〔柳耆卿詞〕畫樑紫燕對對，啣泥飛來又去。
〔周美成詞〕亂花過隔院，芸香滿地狼藉。〔楊衡〕白紵
歌：芳姿艷態妖且妍，李延年歌：佳人難再得。〔唐太宗〕
詩：韶光開令序。〔趙長卿詞〕一種春光占。
斷東君惜。〔周美成詞〕更把茱萸再三惜。

燭影搖紅 山塘卽事

踏翠尋芳。柳條二月春風半。泰娘家在畫橋西，有客金
錢宴。道是留儂，可便細沉吟。迴眸顧盼，繡簾深處，茗椀
爐烟一床絃管。惜別匆匆。明朝約會新亭館。扁舟載

酒問嬋娟。驀地風吹散。此夜相思豈慣。孤枕宿黃蘆。斷

岸。嚴城鐘鼓。凍雨殘燈。披衣長歎。

此詞蓋為楚雲而作。即所謂二月相逢約。

玩花也。

○白詩：拏芳踏翠弄潺湲。詞名有倦尋芳。

晏

叔原詞。

春入柳條將半。崔澄瀾詩：二月風光半。

泰娘

家見重贈楚雲陰子堅詩：畫橋長且曲。蔣竹山詞：過窈

娘堤。秋娘渡。泰娘橋。杜詩：何時詔此金錢會。爛醉佳

人錦瑟傍。隋煬帝詩：留儂不留儂。不留儂也去。沉

吟見送何省齋迴眸見畫蘭曲。王晉卿詞：早是縈心可

慣。更那堪頻頻顧盼。岑參詩：煖屋繡簾紅地爐。茗

椀見觀石谷畫。梁簡文帝詩：爐烟入斗帳。孟東野詩

一床空月色。杜牧之詩：爍燭有心還惜別。杜詩：告別

莫匆匆。陸務觀詞：看金鞍爭道香車飛。蓋爭先占新

亭館。載酒見清風使節圖。嬋娟見行路難。毛平

仲詞：怕嬌雲細雨。東風驀地輕吹散。杜牧之詩：酒醒

孤枕雁來初。黃蘆見蒜山懷古。後赤壁賦：斷岸千尺。

李義山詩：白日相思可奈何。嚴城清夜斷經過。陳

已詩凍雨能妨夢崔澄瀾詩憶夢殘燈落
披衣見秋夜不寐蘇子卿詩握手一長嘆

倦尋芳 春雨

欺梅黯澹。美柳迷離。一幅烟水。醉墨模糊。澹插浮屠天際。捲湘簾。憑畫閣。白鷗點點飛還起。視吾廬。如掀翻。一葉空江深處。記今朝南湖禊飲。士女嬉游。此景佳麗。細馬輕車。不到斷橋西路。雙屐衝泥。僧喚渡。一瓢沽酒。

柴門閉。料今宵對殘燈。客情憔悴。

張如哉曰七律補禊序云壬辰上巳鴛湖

禊飲余後三日始至云云此當是禊日阻雨誤期而作者故云車馬不到客情憔悴也○韓詩欺梅併壓枝黯淡見行路難
李義山詩青門美烟柳迷離見鴛湖曲
李有中詩帆開烟水深
醉墨見歸元恭像崔夢之

詩東邊一片青模糊按浮圖通浮屠見贈蒼雪天際

見石公山湘簾見王京傳畫閣見鴛湖曲杜詩

白鷗沒浩蕩庚詩可憐數行雁點點向空排吳城龍女

詞撲鹿沙鷗驚起陶詩吾亦愛吾廬指月錄大地

掀翻無覓處一葉見鴛湖曲周美成詞人正在空江

烟浪裏南湖見鴛湖曲禊飲見采蘭曲士女嬉遊

見虞山圖歌謝元暉詩江南佳麗地細馬輕車見

玉京彈琴歌杜詩斷橋無復板按路字應叶韻侯考

街泥見苑先齋中陸務觀詩斷行苔生人喚渡殘燈

見前首周美成

詞轉使客情如醉

張如哉曰路字在夫甫父韻處字在魚雨御韻此詞

與支紙寘圍委未奇起氣通叶醉春風水龍吟亦然

蓋古韻通也又渡字古人於此句不用韻惟王元

澤憶得高陽人散後落花流水仍依舊為用韻耳

念奴嬌

東籬殘醉過溪來。閒訪黃花消息。小院高樓門半掩。細
雨。欄干吹笛。側帽狂呼。搗箏緩唱。翠袖偎人立。欲前還
止。此中何處佳客。却是許掾王郎。風流年少。爛醉金
釵側。十載揚州春夢斷。薄倖青樓贏得。遍插茱萸。山公
老矣。顧影顛毛白。凭高惆悵。暮雲千里。凝碧。此亦伎館
之作意不
在伎而在友。兼以自詠也。○東籬見西田賞菊。子國寶
詞。明日重扶殘醉。按過溪字出廬山記。黃花見後東
臯歌。消息見滿江紅。壽金豈凡。陸務觀詞。最是眠時
枕寒門半掩。細雨見春思。欄干吹笛。見滿江紅。過文
定公祠。側帽見董白像。序狂呼見王郎曲。唐書禮
樂志。西涼伎有彈琴搗箏。謝靈運詩。六引緩清唱。三調
伶繁音。杜詩。天寒翠袖薄。歐陽永叔詞。美筆偎人久
何仲言詩。日暮留佳客。按許掾許詢。王郎王凝之

也此借用韋端已詞陌上誰家年少足風流京仲
遠詞年年爛醉金釵杜牧之詩十年一覺揚州夢贏得青樓薄倖名李詞秦娥夢斷秦樓月王詩遍插茱萸少一人山公見苒城行列子顧若影則知之國
語管子曰班序顛毛唐文宗詩憑高何限量南
唐元宗詞漫倚遍危欄儘黃昏也只是暮雲凝碧

吳詩集覽卷二十下

詩餘二之下 長調

木蘭花慢

過濟南

濟南見送
詹司理

天清華不注。搔首望白雲齊。想尙父夷吾。雪宮柏寢。衰
草長堤。松耶柏耶在否。祇斜陽七十二城西。石窳功名
何處。鐵籠籌算都非。儘牛山涕淚沾衣。極目雁行低。
嘆鮑叔無人。魯連未死。憔悴南歸。依然洋洋東海。看諸
生奏玉簡金泥。誰問碣磳戰骨。秋風老樹成圍。此南歸
時過濟
南而作者前段懷古後段兼以自詠也極目雁行應指
陳彥升輩鮑叔無人魯連未死是梅村悔恨處○司馬

退之詩次參楚天清一統志華不注山在濟南府歷城縣東北搔首見哭志衍劉文房詩孤城上與白

雲齊

詩維師尚父

晏子春秋齊侯見晏子於雪宮

一統志

雪宮在青州府臨淄縣東北韓非子景公與晏

子遊少海登柏寢之臺望其國曰美哉堂堂乎一統志

柏寢臺在青州府樂安縣界

李易安詞連天衰草皇

甫茂政詩草色引長堤

史記田世家齊人怨王建不

蚤與諸侯合從攻秦聽姦臣賔客以亡其國歌之曰松

耶柏耶任建共者客耶

秦少游詞杜鵑聲裏斜陽暮

史記樂毅傳

下齊七十餘城皆為郡縣以屬燕惟獨莒

卽墨未服

左傳成二年齊侯以辟司徒之妻有禮弓

之石窮通典長清縣齊之石窮邑

一統志長清故城在

今濟南府長清縣東南三十里

史記田單傳燕師長

驅平齊而田單走安平令其宗人盡斷其車軸末而傳

鐵籠已而燕軍攻安平城壞齊人爭走塗以輶折車敗

為燕所虜惟田單宗人以鐵籠故得脫隋書李崇傳英

果有籌算

杜牧之詩牛山何必淚沾衣

極目見蕩

子行禮兄之齒雁行

鮑叔見送詹司理

魯連見夜

宿阜昌

後漢書范滂傳滂事釋南歸

左傳襄二十

九年決決乎大風也哉表東海者其太公乎

張如哉

曰諸生句用封禪書秦徵齊魯之儒生漢書應劭注王者功成治定告成於天有金策石函金泥玉簡之封

魏書孝文紀行幸碣磝一統志碣磝山在泰安府東阿

縣南七里有關城相傳卽檀道濟唱籌量沙處或以爲

卽碣磝城非也方輿紀要碣磝城在長清縣西北沈約

宋書作敲鼙今讀曰敲敖濟州關在長清縣西卽碣磝

津也張如哉曰南史王元謨傳大舉北侵以元謨爲前

鋒軍至碣磝進向滑臺圍城二百餘日魏太武自來救

之江夏王義恭以碣磝沙城不可守召令還爲魏軍所

追大破之流矢中臂還至歷城問碣磝戰骨當是用王

元謨事耳戰骨見蟋蟀盆歌

老

樹見雕橋莊歌成圍見西田次韻

程叔才注陳其年蓮洋集序引輿志碣磝山東濟州

治按一統志濟寧州爲金元之濟州而不載碣磝或

謂碣同鄆卽左傳宣十二年晉師在鄆敖之間注謂

鄆敖二山在滎陽縣西北者然一統志滎陽有磝山

而無鄱山敖卽尙書序之仲丁遷囂詩之博獸于敖
史記之遷傲及敖倉者滎陽與濟寧不可合而爲一
也

又話舊

西湖花月地。櫻筍熟。鰕魚肥。記粉袖銀箏。青簾畫舫。烟
柳春堤。驚風一朝吹散。嘆西興兵火。渡人稀。白髮龜年
尙在。青山賀監重歸。恰相逢。紫蟹黃鷄。猶唱縷金衣。

奈狂客愁多。秋娘老去。木落烏棲。無情斷橋流水。把年
光流盡。付斜暉。世事浮生。急景道人抱膝忘機。

此亦伎館之作

前段由合而離。後段承賀監重歸。說下情致惘然。○一
統志西湖在杭州府錢塘縣西。櫻筍見贈陳定生。

淮南子秋風起而鱖魚肥 銀箏見畫蘭曲 杜詩青
簾白舫益州來畫舫見贈文園公 李義山詩青門弄
烟柳孟詩春堤楊柳發 周美成詞春戀雨潤雲溫苦
驚風吹散 西興見贈吳錦雲兵火見遇南廂園叟
龜年見琵琶行 賀監見陸墩詩 紫蟹黃雞見追敘
西田舊約 金縷衣見偶見 狂客見送田髯淵白詩
愁多常少眠 秋娘見琴河感舊序 雍國鈞詩老去風
光不屬身 木落見送何省齋烏棲見烏棲曲 崔禮
仙詩水流花謝兩無情 一統志自斷橋至孤山為白公
堤 韓琮詩流盡年光是此聲斜暉見後東臯歌 孫
巨源詞悵望浮生急景 道人見西田
詩抱膝見題莊檀菴像忘機見遇姚翁

又 壽嘉定趙侍御舊巡滇南

嘉定見贈王內三
雲南通志巡按監

察御史趙洪範江南人崇禎中任嘉定
縣志趙洪範字元錫天啟壬戌進士

仰首看皓魄切莫放酒杯空記六詔飛書百蠻馳傳萬

里乘驄天南碧雞金馬把枯碁殘局付兒童雞黍鹿門

高隱衣冠鶴髮衰翁嘆干戈滿地飄蓬落日數歸鴻

喜歇浦寒潮練塘新霽投老從容菊花滿頭須插向東

籬狂笑醉顏紅高館青尊紅燭故園黃葉丹楓前段從

染後段從嘉定點染○古西洲曲仰首望飛鴻皓魄見

塵鏡元裕之詩到手金杯不放空六詔見滇池鏡

吹晉顰舞歌飛書告諭響應來同百蠻見送杜弢武

馳傳見送志衍入蜀後漢書桓典傳為侍御史常乘

驄馬張文昌詩借問炎州客天南幾日行金馬碧雞

見訪文學博韋昭博奕論枯碁三百孰與萬人之將

鹿門見襄陽注南史隱逸傳阮孝緒著高隱傳張

如哉曰衣冠用四皓衣冠甚偉語庾子慎詩鶴髮辭軒

冕衰翁見過姜給事杜詩干戈滿地客愁破飄蓬見

送王藉茅嵇叔夜詩目送歸鴻歇浦即春申浦見

贈陸生寒湖見塗松晚發練塘見王菴看梅注新霽
見虎邱新霽投老見西田詩杜牧之詩菊花須插
滿頭歸東籬見西田賞菊顏紅見喜苑先初歸
館見玉京墓青尊見嘲張南垣紅燭見孝若山樓
林隕其黃葉丹
楓見橫雲山易

又中秋詠月

冰輪誰碾就千尺起嘯臺東記白傅堤邊庾公樓上幾
度曾逢今宵廣寒高處問嫦娥環珮在何峯天上銀河
珠斗人間玉露金風聽江樓鶴唳橫空人影立梧桐有
宮錦袍緋綸巾頭白鐵笛仙翁欲乘月明飛去過嚴城
下界打霜鐘醉臥三山絕頂倒看萬箇長松
此首以高厲見奇仿

佛子瞻水調歌頭結二句更爲工絕○水輪見再觀打
水韓致光詩猶是玉輪曾碾處胡武平詩風遞鸞聲
認嘯臺白堤見題董白像庾樓見送龔孝升張
元幹詞花落花開幾度池塘草廣寒見讀史偶述蘇
詞高處不勝寒後漢書天文志注羿請無死之藥於
西王母姮娥竊之以奔月姮一作嫦娥杜詩環珮空歸月
夜魂蘇詞不知天上宮闕今夕是何年銀河見青門
曲王詩月迴藏珠斗秦少游詞金風玉露一相逢便
勝却人間無數元詩鶴唳晴空聞九霄人影立梧
桐見新浴注唐書李白傳月夜乘舟采石衣宮袍又
車服志褲褶之制五品以上緋晉書謝萬傳著白綸
巾鶴氅裘鐵笛見避亂蘇詞十年不見老仙翁岑
參詩應須乘月去嚴城見石公山下界見贈願雲師
霜鐘見退谷歌三山見遇宋子建絕頂見得願雲書
傳杜詩石出倒看楓葉下史記貨殖
傳木千章竹竿萬箇長松見海市

又壽汲古閣主人毛子晉

汲古閣毛子
晉并已見

尚湖高隱處。較漆簡定遺經。正伏勝加飡。揚雄強飯七

畧縱橫。爭傳殺青奇字。更五千餘偈叩南能。夜雨蒲團

佛火。春風菌閣書聲。臥荒江投老遺民。兵後海田耕

喜柳塢堂開。月泉詩就。貰酒行吟。高談九州風雅。問開

元以後屬何人。百歲顛毛斑白。千年翰墨丹青。前段美

書後段美子晉詩筆。尚湖見琴河感舊高隱見壽趙

侍御漆簡見遺問漆經注。韓詩獨抱遺經究終始

伏勝見壽王鑑明古詩努力加飡飯。揚雄見送李

書雲強飯見蛤蜊。漢書藝文志劉歆總羣書而奏其

七畧。殺青見龍腹竹歌奇字見行路難。陳師道詩

要轉華嚴八千偈。傳燈錄慧能為南宗。溫飛卿詩自從

紫桂巖前別。不見南能直至今。蘇詩此身分付一蒲

團。佛火見訪無生上人。菌閣見壽孫子長。荒江見

吳詩集卷二下

松鼠投老見西田詩

海田見再寄三弟

月泉吟社

見陪園次過太白亭

貫酒見海戶曲

楚辭行吟澤畔

高談見哭志衍

開元唐元宗年號

顛毛見念奴嬌

翰墨見觀通天帖

水龍吟 送孫浣心之真定

浣心見二十五日詩
此與五律送令修遊

正定一

時作也

無諸臺上春風燕南魏北聲名起金戈鐵馬神州沉陸

幅巾歸里種柳門前藝瓜陂下北窗烟雨遇天涯故舊

貽書到一鞭行李滹沱水挾瑟高堂趙女問叢臺幾

人珠履青史紛爭干戈譚笑陳餘張耳漢壘秦軍李龍

宮苑銷沉何處向孤城但有寒鴉落木暮天羈旅

玩此
詞語

意浣心先官福建後仕畿輔蓋曾受知於正定遣老鼎
革後赴正定之招者故前段多敘歸里之事後段多敘
正定之遊也〔張如哉曰〕此詞以支紙真奇起氣圍委
未叶八魚兩御夫甫父與醉春風倦尋芳同○無諸臺
見周芮公序〔燕南趙北見遣悶注〕金戈鐵馬見蘆
洲行〔晉書桓溫傳〕遂使神州陸沉〔後漢書鮑永傳〕
注幅巾謂不著冠但幅巾束首也〔晉書羊祜傳〕當角巾
東路歸故里〔淵明五柳先生傳〕門前五柳樹〔藝〕
瓜用邵平事見青門曲〔北窗見二十五日詩〕一鞭
見老妓行行李見磬清湖濤〔沈〕見讀西臺記〔古詩〕挾
瑟上高堂趙女見蕩子行〔叢臺見永和宮詞〕珠履見
送友人往正定〔青史見又詠古〕蘇詞譚笑間檣艣
灰飛烟滅〔史記張耳陳餘傳〕張耳者大梁人也陳餘
者亦大梁人也〔一統志〕陳餘壘在正定府獲鹿縣東北
張耳傳〔項羽亦數聞張耳賢乃分趙立張耳為常山王〕
按秦漢間李良章邯與耳餘戰多在邯鄲今屬廣平府
惟韓信破餘在正定之井陘縣耳〔後趙錄〕石虎字季
龍勒之從子〔一統志〕桑中故城在正定府平山縣東南

漢縣世謂之石勒城蓋趙氏增城之故擅其曰按晉書
石季龍載記于襄國起太武殿于鄴造東西宮窮極伎
巧又盛興宮室于鄴起臺觀四十餘所此詞不必指石
勒城也儲光羲詩宮苑傍山明銷沉見茸城行 寒
鴉見野望 李公垂詩竹影侵雲拂暮
天陳餘傳客有說張耳者曰兩君羈旅

按子瞻水龍吟咏笛前段末十五字云自中郎不見
桓伊去後知辜負秋多少咏楊花前段末亦云夢隨
風萬里尋郎去處又還被鶯呼起章質夫咏楊花末
云傍珠簾散漫垂垂欲下依前被風扶起皆五字一
句四字一句三字兩句也此詞八字一句七字一句
不與之合卽云一鞭行李四字爲句亦不與之合也
張如哉曰少游賣花聲過盡垂楊院落紅成陣飛鴛
鵲後人多于院字斷句而誤以落字屬下句致有此
誤萬紅友詞律辨之甚核紅友固梅村身後之畏
友與後段青史紛爭亦與宋人平仄不同俟考

風流子

爲鹿城李三一壽

蘇州府志馬城鹿城
並在洞庭西山闔閭

築以養馬豢鹿。寬新合志。下山在崑山縣治西一里。又名南山。俗名土山西鹿城。卽今土山。李孟函三。一崇禎己卯副貢。好古樂善。選知縣。未任卒。按三。一崑山人。則鹿城西鹿城也。

青山當戶牖。秋光霽明月。倒壺觴。羨金粟道人。草堂松竹。青蓮居士。藜閣文章。傳家久。朱門開。累葉畫省付諸郎。綠酒黃花。淵明高臥。紅顏白髮。樊素新粧。登高頻

回首。江南舊恨在。鐵笛滄浪。十載故園兵火。三徑都荒。待山園再葺。讀書萬卷。湖田晚熟。縱博千場。老子婆娑

不淺。儘意疎狂。

前段敘三一家門之盛。後段指現在情事。祖詠詩南山當戶牖。壺觴見遇。

南廂園叟。竹生虛白。

金粟道人見題。歸元恭像。

李詩青蓮居士謫仙人。三輔黃圖。劉向。

校書天祿閣專精覃思夜有老人著黃衣植青藜杖見
向暗中獨坐誦書乃吹杖端烟然因以見向授五行洪

範之文 傳家見觀通天帖 朱門見咏山茶花果葉

見贈文園公 覓新合志 李同芳萬歷庚辰舉禮部巡撫

山東贈侍郎子 甯昌萬歷辛丑進士授編修長子孟函

畫省見弔衛紫岫諸郎見癸巳禊飲 晁无咎詞 賴

有黃花滿把從教綠酒深傾 高臥見六言絕句 醉

翁亭記 蒼顏白髮顏乎其中者太守醉也 白詩櫻桃

樊素口新粧見駕湖閨詠 孟東野詩 舊恨空浮江

鐵笛見逆亂滄浪見磬清湖 兵火見遇南廂園叟

三徑見遺問 顏延年詩 北首山園 杜詩讀書破萬

卷 湖田見閬園詩 高逵夫詩 干場縱博家仍富

晉書庾亮傳 老子於此興復不淺 京仲遠詞

婆娑老子興難忘 蘇詞 儘放我些子疎狂

又 送張編修督學河南 河南通志 張天植浙江

事提學道順 秀水人進士按察司僉

治十一年任

中原人物盛。征驂過花發。洛陽街。美嚴助承明。連城建

節。茂先機近。好士掄才。賓徒滿賦。成誇授簡。鐘鼓遶繁

臺。

繁音 嵩嶽出雲。鬱葱千仞。濁河天際。屈注西來。憑

高披襟處。千觴引醺醪。意氣佳哉。回首日邊臚唱。御

筆親裁。待尚書尺。一趨歸視草。門盈桃李。學士高齋。領

取玉堂佳話。黃閣重開。

前段點染河南後段祝願其歸朝以後○征驂見送何省齋

洛陽街見過東平壘

嚴助見贈嚴方公承明見送

何省齋

史記主父偃傳今諸侯或連城數十又司馬

相如傳建節往使

張如哉曰此用嚴助傳遣助以節發

兵會稽語

茂先見九峯草堂歌後漢書何敞傳歷顯

位備機近

商子今上掄才能智慧而任之張如哉曰

此用張華傳性好人物誘進不倦侯門之士有一介之

善者為之延譽

授簡見閬園詩

繁臺見送沈繹堂

詩嵩高維嶽易山川出雲

後漢書光武帝紀望氣

者見春陵郭嘯曰氣佳哉鬱鬱葱葱史記賈生傳鳳凰翔于千仞之上兮

黃河屈注見汴梁天際見石公山

唐文宗詩

憑高何限意披襟見宮扇

李詩一日傾

干鴈潘正叔詩羽觴飛醺醺

晉書明帝紀不聞人從

日邊來臚唱見送沈繹堂

後漢書陳蕃傳尺一選舉

委尚書三公注

尺一謂板長一尺以寫詔書

漢書淮

南王安傳

常召司馬相如等視草乃遣注草謂為文之

草藁

桃李見贈李義居

高齋學士見汲古閣歌

解嘲

今吾子幸得歷金門上玉堂有日矣張

協七命敬聽佳話

黃閣見送純祐藩幕

又掖門感舊

大清一統志

紫禁城南曰

咸陽三月火新宮起傍鎖舊莓墻見殘甃廢磚何王遺

構荒薺衰草一片斜陽記當日文華開講幄寶地正焚

香左相按班百官陪從執經橫卷奏對明光至尊微

含笑尙書問大義共退東廂東應作西忽命紫貂重召天語

琅琅賜龍團月片甘瓜脆李從容晏笑拜謝君王十八

年來如夢萬事淒涼此首與宮扇同意是梅村不忘舊恩也○史記項羽紀引兵屠咸陽

燒秦宮室火三月不滅新宮見送沈繹堂周美成

詞土花繚繞前度葦墻詩中堂有甕簾甕見磬清湖

序杜詩不知何王殿遺構絕壁下許仲晦詩行殿

有基荒薺合衰草斜陽見過濟南明史禮志經筵先

期設御座於文華殿設御案於座東稍南設講案於案

南稍東采史張揆楊安國傳揆及安國父子皆侍經幄

盧昇之詩寶地乘峯出杜詩芙蓉別殿謾焚香又

左相日興費萬錢明史禮志日講講官大學士一員一

叩首乃坐講畢又學士一員承旨坐講如初又經筵

勲臣一人知經筵事內閣學士或知或同知尙書都御

史通政使大理卿及學士等侍班翰林院春坊官及國
子監祭酒二員進講春坊官二員展書給事中御史各
二員侍儀鴻臚寺錦衣衛堂上官各一員供事鳴贊一
贊禮序班四舉案勲臣或駙馬一人領將軍侍衛陪從
見永和宮詞後漢書儒林傳序帝正坐自講諸儒執
經問難於前橫經見讀史雜述宋史哲宗紀詔講讀
官御經筵退留二員奏對邇英閣明光見東萊行 至
尊含笑見九友歌梁書武帝紀造尙書大義隋書經
籍志尙書大義二十卷明史禮志隆慶六年定每日
早講畢帝進煖閣少憩閱章奏閣臣等退西廂房久之
率講官再進午講按明史東宮講學儀太祖命於文華
後殿世宗改爲便殿遂移殿東廂然亦講於東廂非退
於東廂也且此詞非咏東宮事東廂字應作西後漢
書朱穆傳中常侍建武以後乃悉用宦者自延平以來
假貂璫之飾 天語見遇劉雪舫子虛賦礪石相擊琅
琅礪礪 龍團見新翻子夜歌李孔集曰盧仝茶詩手
閱月團三百片類林衡州之衡山封州之西鄉茶研膏
爲之皆片團如月魏文帝與吳質書浮甘瓜於清泉

沉朱李於寒水明史日講於文華殿賜茶文華門賜酒飯詩燕笑語兮王仲初詩男兒拜跪謝君王明史經筵禮畢命賜酒飯各官出至丹陛行叩頭禮至左順門酒飯畢入行叩頭禮元詩歸來如夢復如癡按梅村預擇東宮講讀官在崇禎十年而陳臥子有贈吳駿公新充東宮講官詩似梅村乃東宮官屬非日講官也然明史禮志翰林院春坊官祭酒進講而宮扇一首云遭逢召見南薰殿思陵日昃猶揮汗天語親傳賜近臣先生進講幽風倦是梅村曾親侍講幄者又壽龔芝麓云荏苒分飛十八年寄周芮公序云拜別河梁十有八載而此首亦云十八年來如夢其各有所指與抑就應召時統計之與

沁園春 午朝遇雨

十里紅牆樹色陰濃。銅扉洞開。見觚稜日炫。金銀照耀。朱霞天半。避暑樓臺。忽起奇雲。琉璃萬頃。燕雀不愚風。

動來西山上。有龍迎返照。急雨驚雷。涼生殿閣佳哉。

但瀟灑瑤堦絕點埃。聽御河流水。琤琮雜珮。黃滋細柳。

翠逼宮槐。玉管銀毫。冰桃雪藕。枚馬詩成。應制才承恩。

久待歸鞭晚。霽步月天街。此梅村赴召授官後作

山茶花謝无逸詞楊柳綠陰濃銅屏見雜陽行西

都賦門闥洞開觚稜見行路難字典炫明也史記

封禪書三神山金銀爲宮闕易林光明照耀南史劉

訐傳超越俗如天半朱霞王僧孺詩迴鑾避暑宮

奇雲見郁靜巖壘石杜詩波濤萬頃堆琉璃又

宮殿風微燕雀高鄭康成禮記注屏謂之樹今罕恩也

西陽雜俎士林間多呼宮殿棖桷護雀網爲罕恩其淺

悞如此西山見贈吳雪航宋書高祖紀三光返照

急雨見滿江紅申文定公祠劉子政九歎凌驚雷以

軼駭電兮柳誠懸詩殿閣生微涼佳哉出後漢書光

武紀孔德璋北山移文瀟灑出塵之想雪賦庭列瑤
堦黃魯直跋蔡明遠帖筆意縱橫無一點埃氣御河
見讀史偶述其十一瑄琮見玉京臺雜珮見梅花
菴聯句杜詩新蒲細柳為誰綠宮槐見永和宮詞
按張昱春閨詞玉管調箏十指寒然梅村則指筆管
如金管斑管之類耳銀毫見送楊猶龍拾遺記西王
母進萬歲冰桃千年碧藕崔澄闌詩出參枚馬詞應
制見五律徐孝穆詩承恩預下席宋延清詩晚霽
江天好高達夫
詩列宿煥天街

又 雲間張青瑀從中州南還索詞壽母

極目中原慷慨平生濁醪一杯念高堂老母桓釐志行
釐當作釐窮途遊子仲蔚蒿萊雅負經綸文章小技三尺遺

孤何壯哉辭家久到燕南趙北赤日黃埃吾徒造物

安排。且布襪青鞵歸去來。有蓴羹鱸膾。能供蔬饌。魚村

蟹舍。可葺茅齋。貧賤安親。詩書養志。世上機雲。少棄才

成名後。把懷清策起。百歲高臺。前段就中州說。後段就南還說。極目見蕩子

行中原。見贈蒼雪。慷慨平生見寄周茂公序。濁醪

見礬清湖濁酒。一杯見壽李太虛。後漢書列女傳。沛

劉長卿妻者。同郡桓鸞之女也。生一男五歲而長卿卒。

兒年十五晚。又天歿。妻慮不免。乃豫刑其耳。以自誓。沛

相王吉上奏。高行顯其門閭。號曰行義。桓嫠窮途見

行路難。遊子見送何省齋。高士傳。張仲蔚者。平陵人。

也。所處蓬蒿。沒人。杜詩。文章一小技。漢書陳平傳。

壯哉縣。燕南趙北見遣悶注。赤日黃埃見贈穆大

苑先。莊子曰。偉哉夫造物者。將以予為此拘拘也。陸

務觀詩。第一戒安排。布襪青鞵見六真歌。注陶淵明

有歸去來辭。辛幼安詞。豈為蓴羹鱸膾哉。梁書高

祖丁貴嬪傳。長進蔬膳。王元節詩。人宿黃魚紫蟹村。

蟹舍見送杜汝武〔辛幼安詞〕東岡吏葺茅齋機雲
見九峯歌〔陸敬輿疏〕興王之良佐皆季代之棄才史
記貨殖傳清寡婦也能守其業用財自衛不見
侵犯秦始皇以爲貞婦而客之爲築女懷清臺

又

觀潮

〔孟詩〕八月
觀潮罷

八月奔濤千尺崔嵬。砉然欲驚。似靈妃顧笑。神魚進舞。
馮夷擊鼓。白馬來迎。伍相鴟尾。錢王羽箭。怒氣強於十
萬兵。崢嶸甚。訝雪山中斷。銀漢西傾。孤舟鐵笛風清。
待萬里乘槎問客星。歎鯨鯢未翦。戈船滿岸。蟾蜍正吐。
歌管傾城。狎浪兒童。橫江士女。笑指漁翁。一葉輕。誰知
道是觀潮枚叟。論水莊生。
前段寫出潮勢後段寫出觀
字胸次歷落非泛作海賦者

○杜詩積陰帶奔濤崔嵬見行路難莊子若然嚮然郭景純詩靈妃顧我笑神魚見送徐次桓史記伍子胥傳

夷擊鼓見汴梁白馬見送徐次桓史記伍子胥傳

吳王大怒乃取子胥尸盛以鴟夷革浮之江中宋史

河渠志梁開平中錢武肅王始築捍海塘在候潮門外

潮水晝夜衝激版築不就因命彊弩數百以射潮頭又

致禱胥山祠既而潮避錢塘東擊西陵民居乃奠杜詩

猛將腰間大羽箭又今日何須十萬兵王少伯詩

跳波沸崢嶸雪山見訪文學博李詩天門中斷楚江

開雞路集天河謂之銀漢雜神賦日既西傾鐵笛

見避亂萬里乘槎客星見七夕卽事左傳宣十二

年取其鯨鯢而封之以爲大戮戈船見避亂五經

通義月中有兔與蟾蜍薛陶臣詩黑雲吐出新蟾蜍

鮑詩歌管爲誰清杜詩走過掣電傾城知狎浪見讀

史雜感韓詩長網橫江遮紫鱗一葉見鴛湖曲

雪賦延枚叟枚叔七發觀濤於廣陵之曲江莊子有

秋水篇

又 丁酉小春海棠與水仙並開王廉州爲予寫

秋林圖初成因取瓶花作供輒賦此詞

丁酉順治

十四年初學記十月天時和暖似春故曰小春之月羣芳譜秋海棠一名八月春花色粉紅葉綠如翠羽水仙叢生葉如萱草而厚冬間於葉中抽一莖莖頭開花數朵大如簪頭色白圓如酒杯上有五尖中心黃蕊頗大故有金盞銀臺之名王廉州見九友歌按王丹麓今世說巧藝篇顧樵水詩篇秀絕畫亦能品嘗作秋林圖贈吳梅村吳嘆曰對此尺幅使人幽思頓生按此則梅村有雨秋林圖也

有美人兮。宛在中央。仙乎水哉。似藐姑神女。凌波獨步。

瀟湘極浦。洗盡塵埃。忽遇東隣。彼姝者子。紅粉臙脂笑。

靨開須知道。是兩家粧束。一種人材。東君着意安排。

蚤羯鼓催成巧樣裁。豈陳王賦就。新添女伴。太真睡起。

共倚粧臺。玉骨冰肌。艷梳濃裏。妙手黃筌未見來。集作

霜天晚對。膽瓶雙絕。點染幽齋。全從並開二字着筆。是

兮。又宛在水中央。飛燕外傳。后揚袖曰。仙乎。仙乎。

去故而就新。寧忘懷乎。莊子。藐姑射之山。有神人居焉。

宋玉有神女賦。離神賦。凌波微步。瀟湘見送。沈

旭輪極浦。見後東皇歌。洗塵見。離陽行。莊子。塵埃也。

李詩。西施與東隣。詩。彼姝者子。杜必簡詩。紅粉

樓中應計日。燕支山下莫經年。古歌。笑靨自然開。張

如哉。曰。兩家粧束。暗用太真外傳。五家合隊。相映如百

花。煥發粧束。見鴛湖曲。史記。司馬相如傳。其人材足

倚也。東君楚辭篇名。韓元吉詞。東風着意。先上小桃

枝。安排見壽張青瑯母。羯鼓見琵琶行。注巧樣見春

衣 陳王賦見芙蓉羣芳譜宋仲困自蕭山致水仙一
二百本學雜神賦體作水仙花賦 女伴見彈琴歌
太真外傳上皇登沉香亭召太真妃子妃子時卯酒未
醒命力士從侍兒扶掖而至上皇笑曰豈是妃子醉直
海棠睡未足耳曹元寵詞睡起不勝情 盧昇之詩雜
粉向粧臺 蘇詞冰肌玉骨自清涼無汗水殿風來暗
香滿 妙手見二十五日詩圖繪寶鑑黃筌字要叔成
都人事蜀王衍爲待詔至孟昶加檢校少府監累遷如
京副使資諸家之善而兼有之花鳥之名最著 霜天
見海戶曲 膽瓶見望江南 點染見送遠圖序岑參
詩當景
涼幽齋

又 吳興愛山臺禊飲分韻得關字

妍景銷愁輕衫乘興扁舟往還遇使君倒屣銀床枕簟
羣賢傾蓋玉佩刀鏤下若新醅前溪妙舞落日樓臺雨

後山雕欄外有名花婀娜嬌鳥綿蠻衰翁天放疎頑

况廿載重來詎等閒嘆此方巖虎青絲白馬原注孫吳時山寇嚴

白虎與呂蒙戰于

吳興之石城山

當年宋態綠髻紅顏

原注唐李涉有贈吳興妓宋態

詩所謂解語花枝在眼前也

春色依然舊游何處剩得東風柳一灣

吾堪老傍鷗汀雁渚石戶松關

前段點出園次及同游者後段情景俱到即贈

園次排律所謂折花貽杜牧也妙切吳興○王無功詩時取醉銷愁輕衫見東許九日乘興見送在桐廬

劉文房詩田家數往還使君見代具師答三國志王

粲傳蔡邕聞粲在門倒屣迎之溫飛卿詩冰簟銀床

夢不成枕簟見觀棋蘭亭序羣賢畢至史記鄒陽傳

傾蓋如故詩瓊瑰玉珮吳叔庠詩秋月掩刀環張如

哉旦張象文詩屏間珮響藏歌妓幕外刀光立從官此

句用之下若見訪霍魯齋周美成詞聞道宜城酒美

昨日新醅熟前溪見贈姜明府後漢書邊讓章華賦

妙舞麗于陽阿張文昌詩雨後山光滿郭青雕欄

見宮扇名花見遇劉雪舫補注雜神賦華容婀娜

唐太宗詩喬柯嚙嬌鳥衰翁見遇姜給事柳子厚詩

蕭散任疎頑張正言詩心中萬事如等閒嚴虎見

讀史有感青絲白馬見壽芝麓詞綠髻見滿江紅

壽孫本芝紅顏見圓圓曲舊遊見虎邱圖東風柳

見楚兩生行錢仲文詩一灣斜照水左傳隱十一年

吾將老馬薩天錫詩春波綠占白鷗汀宋延清詩

泛舟依雁渚蘇詩我來叩石戶松關見贈願雲師

按涉又有過湖州妓宋態詩云曾識雲仙至小時笑

蓉頭上綰青絲當時驚覺高唐夢惟有子今宋玉知

賀新郎 送杜將軍發武見七古

雙髻愁來白數威名西州豪杰玉關沙磧家世通侯黃

金印馬稍當年第一磨盾鼻懸毫飛檄雅吹投壺詩萬

首舊當陽虎帳春秋癖思往事頓成昔天涯寂寞青

門客念平生鞭箠萬里布衣之極滿地江湖漁歌起誰

弄扁舟鐵笛正柳色依依南陌日暮鄉關何處是故人

書草沒摩崖石漫回首淚沾臆

前段話舊後段送別○王詩獨坐悲雙髻威

名見送杜牧武西州見又咏古

玉關見贈吳雪航砂

蹟見送杜牧武

南史王氏傳總論

昔晉渡江王導卜

其家世通侯見楚兩生行序史記蔡澤傳懷黃金之印

馬稍見哭志衍

北史荀濟傳謂人曰會楯上摩墨

作檄文四譜荀濟與梁武有舊而帝素輕之及梁受禪

乃入北嘗云曾于盾鼻磨墨作文檄梁按曾字應從史

作會摩字應從譜作磨飛檄見雁門尚書行後漢書

桓榮傳詔諸生雅吹擊磬又祭遵傳必雅歌投壺當

陽見楚兩生行王少伯詩虎帳長開自教兵晉書杜預

傳武帝謂預曰卿有何癖對曰臣有左傳癖杜詩飽聞

春秋癖

劉夢得詩

人世幾回傷往事

青門見青門

曲

管子

天下不可改也

而可以鞭垂使也

漢書張

良傳

此布衣之極

杜詩江湖滿地一漁翁

漁歌見元

武湖

李詩

明朝散髮弄扁舟

鐵笛見避亂詩楊柳

依依南陌見老妓行

崔顥詩日暮鄉關何處是

白

行簡詩

一紙故人書草沒見夜宿阜昌摩崖見哭志衍

淚沾臆見

永和宮詞

又病中有感

萬事催華髮。論龔生天年竟。天高名難沒。吾病難將醫。

藥治耿耿胸中熱。血待灑向西風殘月。剖却心肝今置。

地。問華佗解我腸。千結追往恨。倍淒咽。故人慷慨多。

奇節。爲當年沉吟不斷。草間偷活。艾灸眉頭瓜噴鼻。今。

日須難訣絕。早患苦重來千疊。脫屣妻孥非易事。竟一

錢不值何須說。人世幾完缺。

此絕筆也。自怨自艾。故與錢龔不同。按漢書

龔勝傳有旦暮八地豈以一身事二姓下見故主語故贊謂守死善道勝是有焉所謂高名難沒也梅村以不能如龔勝之天天年為恨故灑血無地剖心無術耳問華佗即難將醫藥治之意次段言不能如龔生之天天年而天年已盡竟臥死兒女手中如麥鐵杖所云也一錢不值正與高名難沒反對難訣絕非易事詞意相承

又按龔生年七十九不為天天猶盡也。劉子政新序。夫士亦華髮墮顛而後可用耳。第二句見讀西臺記。

高名見釣臺。漢書平帝紀為置醫藥。詩耿耿不寐。宋子虛詩。手殺降人吞熱血。灑西風見滿江紅。

感舊。柳耆卿詞。楊柳岸曉風殘月。史記鄒陽傳。剖心

析肝相信。豈移於浮辭哉。又項羽紀。亞夫受玉斗置之

地。後漢書方術傳。華佗字元化。沛國譙人也。精于方

藥。苦疾發結于內。針藥所不能及者。乃令先以酒服麻

沸散既醉無所覺因剗破腹背剗割積聚若在腸胃則
斷截湔洗除去疾穢既而縫合傳以神膏四五日創愈
白詩錐不能解腸結吳越春秋夫人哀吟曰腸千結兮
服膺孟東野詩歌管為淒咽慷慨見又咏古高達
夫詩韓魏多奇節沉吟見雁門尚書行漢書劉向傳
持不斷之意者開羣枉之門草間見蟋蟀盆歌劉子
政戰國策序偷活取容隋書麥鐵杖傳丈夫性命自
有所在豈能艾炷炙額爪蒂歟鼻治黃不差而臥死兒
女手中乎胡身之通鑑注黃熱病也熱則頭痛故燃艾
以炙之熱則上壅爪蒂味苦寒故噴鼻以通關訣絕
見送何省齋許仲晦詩水曲巖千疊脫屣見讚佛
詩漢書灌夫傳平日毀程不識不值一錢

缺見斷碑

完

